

BOSNA I HERCEGOVINA  
Federacija Bosne i Hercegovine  
Tuzlanski kanton  
OPĆINA GRAČANICA  
OPĆINSKO VIJEĆE

Broj predmeta: 01-05-05640-2012  
Broj akta: 01EH-001  
Gračanica, 31. 12. 2012. godine

Z A P I S N I K  
SA 2. SJEDNICE OPĆINSKOG VIJEĆA  
GRAČANICA

Održane dana 10. 12. 2012. godine u sali za sjednice Općine Gračanica, sa početkom u 11.00 sati.

Početu sjednice prisustvovalo je 28 članova Općinskog vijeća Gračanica. Odsutni su: Fehratović Hasan i Čamdžić Mirsad.

Sjednicu je otvorio i istom predsjedavao Ibrišević Edin, predsjedavajući Općinskog vijeća Gračanica, zajedno sa zamjenikom Gazibegović Seadom i sekretarom Općinskog vijeća Mujačić Zehrom.

Zapisnik vodila Mevlida Naimkadić, a vršilo se i tonsko snimanje sjednice.

Pored članova Općinskog vijeća sjednici su prisustvovali i: Općinski načelnik Nusret Helić, šef kabineta Općinskog načelnika Omer Hamzić, Azra Mustajbašić, šefovi službi za upravu Zijad Dedić, Senaida Šaković, Aida Hodžić i Mustafa Bajić, izvjestioci po pojedinim tačkama dnevnog reda, poslanik u Skupštini TK Džemal Jukan, građanin Sead Hamidović, te predstavnici sredstava informisanja.

Predsjedavajući Vijeća je dao na raspravu Zapisnik sa konstituirajuće sjednice Općinskog vijeća.

Nije bilo učesnika u diskusiji.

Zapisnik sa konstituirajuće sjednice Općinskog vijeća Gračanica usvojen je jednoglasno sa 28 glasova "ZA".

Pitanja i inicijative kondidovali su:

Mešić Fadil:

"Ja imam tri vijećnička pitanja, dva su upućena načelniku. Prvo vijećničko pitanje je zaobilaznica. Svjedoci smo da je ekstremna gužva u saobraćaju u Gračanici, a to je zato što je regionalni put za Srebrenik, Gradačac, Brčko, Orašje i dalje gore kroz glavnu ulicu u Gračanici. Da li načelnik misli da treba početi na projektu zaobilaznice. I prvo što je u okviru ovog pitanja znači treba na toj budućoj zaobilaznici, što treba prvo učiniti je obrazloženje, zabraniti gradnju, zatim planirati sredstva u budžetu. Naravno to će trajati malo duže, etapno. Drugo vijećničko pitanje je, kada načelnik misli isplatiti dnevnice za članove biračkih odbora koji su bili angažovani na dan izbora 07. 10. 2012. I treće vijećničko pitanje. Kada će nadležni općinski organi u naselju Podgaj postaviti znak, zabranjeno parkiranje i zaustavljanje. Obrazloženje: Žitelji ulice Podgaj više su se puta obraćali nadležnim općinskim organima zahtjevom da se na početku ove ulice postavi saobraćajni znak, zabranjeno zaustavljanje i parkiranje. Ali izuzev obećanja, ništa nije urađeno iako za ovo nisu potrebna velika sredstva niti posebna sredstva. To je to. Hvala."

Rahim Gadžić:

“Ja imam jedno vijećničko pitanje a upućeno je Općinskom načelniku. Zašto nisu isplaćena sredstva svima onima koji su razgrtali puteve u prošloj zimskoj sezoni? Znamo da je Općinski načelnik isplatio pojedincima, a drugim pojedincima nije isplatio. Zašto nije svima isplaćeno. Mi imamo danas na terenu situaciju da ljudi ne žele više da razgrću puteve iz razloga što nije plaćena zimska služba iz prošle godine. I da li će se uplatiti avans za početak radova u ovoj sezoni. Evo znamo da je skoro mjesec dana kako je nova zimska sezona a još nije niko obaviješten da li imaju određene količine soli, da li imaju određene količine posipnog materijala, šta da mi sad da radimo. VMZ-e se nalazi na udaru svih građana jer građani traže da mi održavamo puteve, da obezbijedimo količine soli, posipnog materijala a mi još nikakvu obavijest nismo dobili od općinskih organa. Iz tog razloga tražimo da se pod hitno izmire obaveze prema onima koji su prošle godine održavali puteve na općini Gračanica i da se uplati avans da bi se mogli putni pravci u čitavoj MZ-i staviti u funkciju. Svi znamo da ako se ne budu kvalitetno održavali putni pravci, pogotovo Doborovci-Džakule, jer tim putem svakog radnog dana prolazi preko 150 učenika. Zato bih zamolio da se to reguliše što je moguće prije.”

Hasan Puškar:

“Ja imam prvo jedno pitanje za Općinskog pravobranioca, da nam ovdje izade i objasni šta je regresna tužba? Drugo pitanje je Imovinsko-pravnoj službi. Da nam za rješenje koje smo imali od te službe na zadnjoj sjednici ranijeg saziva Vijeća, odgovori, da li je katastarski vlasnik koji je izbrisan iz posjeda u tom rješenju obaviješten i da se dostavi ugovor na osnovu kojeg je isti izbrisan iz rješenja i posjeda u katastru i gruntovnici?”

Aida Hodžić, šef Službe za upravu je ne izlazeći za govornicu pitala o kojem rješenju se radi jer je bilo više rješenja Imovinsko-pravne službe na toj sjednici.

Hasan Puškar je rekao da će pojasniti pitanje.

Općinski načelnik Nusret Helić:

“Evo da na neka pitanje odgovorim da se ne bi dopisivali. Da li načelnik misli o zaobilaznici. Imamo idejni projekat, misli, čak smo dogovarali sa Ministarstvom saobraćaja da se uđe u neke aktivnosti i ovih dana se treba pristupiti reviziji Idejnog projekta zaobilaznice jer nije realno ono što stoji i u tom pravcu ćemo ići u određene aktivnosti. Za biračke odbore, evo rebalans je danas. Mi ćemo do kraja godine isplatiti sve što je predviđeno tako da komisija može izvršiti svoje obaveze prema biračkim odborima. I ovo što je Gadžić pitao vezano za zimsku službu. Prije dva-tri dana je plaćeno, ostalo je još možda u prosjeku po 500,00 KM i to će biti plaćeno u narednih desetak dana, a evo vidjet ćemo da se i avansi izdaju. Ovih dana je potpisan ugovor za posipni materijal, jer imaju i neke žalbe, obezbjeđena je i so, potpisan je ugovor, tako da će ovih dana Služba i obavijestiti da se može i gdje može dići. Na ova ostala ćemo odgovoriti, doduše samo je ostalo ovo oko parkiranja pa ćemo vidjeti i odgovoriti.”

Aida Hodžić:

“Ja evo postavljam pitanje, na koje rješenje mislite? Na svakom vijeću bude jedno, dva i više rješenja i nekoliko zaključaka, pa nam recite na koji broj rješenja se pitanje odnosi?”

Hasan Puškar:

“Odnosi se na ono rješenje što je riješeno za dvadesetčetiri sata, a to je za Helića, broj rješenja trenutno nemam, pošto nismo dobili zapisnik sa te sjednice. Znači, mislim na to rješenje.” Dopunio je svoju diskusiju i zatražio da mu se odgovor dostavi pismeno.

Pošto nije bilo više prijavljenih članova Vijeća za pitanja i inicijative prešlo se na raspravu o predloženom dnevnom redu.

S tim u vezi predsjedavajući Vijeća Edin Ibrišević iznio je sljedeće:

“Predlažem da se peta tačka dnevnog reda, Imenovanje komisija Općinskog vijeća (stalna radna tijela) skine sa dnevnog reda s obzirom da SDA nije dostavila svoje prijedloge za ove komisije. Predlažem da rok bude do 20. decembra 2012. godine, kako bi ostavili vrijeme, usaglasili i otklonili sve nedoumice, te tako da na narednoj sjednici donesemo ovo imenovanje u interesu svih političkih partija.”

Za riječ se javio Rahim Gadžić navodeći sljedeće:

“Da ne bi otišlo u javnost da SDA nije željela da dostavi. Mi smo tražili da se naprave izmjene u ovoj odluci. Ja sam lično pozvao predsjedavajućeg i zamolio ga da prije sjednice se dogovorimo u vezi ove odluke. Vidimo da nas niste pozvali da se dogovorimo i znači nemojte da kažete da samo SDA, a mi nismo zadovoljni samo sa rasporedom i nećemo ni prihvatiti. Iz tih razloga SDA nije ni dostavila svoje prijedloge. Ako želite možemo i danas, mi imamo spremna imena i možemo da napravimo korekcije što se tiče komisija. Jedino ako Vi niste spremni da prihvatite nikakve korekcije. Mi ne želimo da nam neko nameće gdje ćemo mi staviti svoje članove.”

Edin Ibrišević:

“Moram replicirati kolegi Gadžiću. Mi smo takav jedan dogovor imali u prošli ponedjeljak gdje se nije predstavnik SDA eksplicitno izjasnio da ne prihvata takav prijedlog. Poslije toga uslijedio je jedan, da kažem vremenski vakum. SDA se nije izjasnila ni da prihvata ni da ne prihvata. Nije poslala prijedloge. Tek sam znači informisan u subotu o tome, kratko je vrijeme i uostalom i to je jedan od razloga što povlačimo ovu tačku dnevnog reda, jer nismo imali vremena da se usaglasimo. Da ste na vrijeme reagovali, da ste u utorak rekli da ne prihvatate ovakav prijedlog, možda smo mogli održati sastanak u srijedu, četvrtak, petak, tako da smo jednostavno prinuđeni da ovu tačku dnevnog reda povučemo sa sjednice.”

Rahim Gadžić se ponovo javio za diskusiju:

“Moram da kažem kad su u pitanju stalna radna tijela Vijeća, to je zamjena jednog predsjedničkog mjesta i dva člana da se zamijene pozicije unutar tijela. Mislim da je to jednostavno dogovoriti, ali evo vidim da nema dovoljno volje da se dogovori i ona se skida s dnevnog reda. Ja lično mislim da nije potrebno da se ta tačka skida, to možemo dogovoriti i na pauzi, na kolegiju te izmjene. Ukoliko niste spremni neka se onda skine s dnevnog reda.”

Predsjedavajući Vijeća je dao pauzu od deset minuta.

Nakon pauze, a uz prisustvo 28 članova Vijeća, kako se nije postigao dogovor u vezi prijedloga imenovanja komisija Vijeća, predsjedavajući Vijeća je dao na izjašnjavaње prijedlog da se tačka 5. skine sa dnevnog reda 2. sjednice Općinskog vijeća.

Prijedlog je usvojen sa 17 glasova “ZA” i 11 “SUZDRŽANAO”.

Predsjedavajući Vijeća Edin Ibrišević je dao na izjašnjavaње sljedeći dnevni red:

1. ODLUKA O IZMJENAMA I DOPUNAMA BUDŽETA OPĆINE GRAČANICA ZA 2012. GODINU  
Izvjestilac: Nusret Helić, Općinski načelnik
2. NACRT-BUDŽET OPĆINE GRAČANICA ZA 2013. GODINU  
Izvjestilac: Nusret Helić, Općinski načelnik
3. NACRT-ODLUKA O IZVRŠAVANJU BUDŽETA OPĆINE GRAČANICA ZA 2013. GODINU  
Izvjestilac: Nusret Helić, Općinski načelnik
4. ODLUKA O USPOSTAVLJANJU I IMENOVANJU OPĆINSKOG RAZVOJNOG TIMA  
Izvjestilac: Nusret Helić, Općinski načelnik
5. RJEŠENJA I ZAKLJUČCI IMOVINSKO-PRAVNE SLUŽBE  
Izvjestilac: Aida Hodžić, šef Službe

Dnevni red je usvojen jednoglasno sa 28 glasova „ZA“.

## **TAČKA 1:**

### **ODLUKA O IZMJENAMA I DOPUNAMA BUDŽETA OPĆINE GRAČANICA ZA 2012. GODINU**

Uvodno obrazloženje po prvom tačkidnevnog reda dao je Općinski načelnik Nusret Helić:

“Poštovani predsjedavajući, uvaženi vijećnici, saradnici, gosti i mediji,  
Evo nas na prvom radnoj sjednici novog saziva Općinskog vijeća i želim da još jednom  
čestitam vijećnicima i svima nama zaželim uspješan rad u ovom mandatu.

Ovih dana su na svim nivoima vlasti aktuelni budžeti, bilo da se utvrđuju nacrti, donose  
rebalansi za 2012. godinu, ili budžeti za 2013. godinu.

Kada su u pitanju rebalansi oni su rezultat manjeg ostvarivanja prihoda, što je opet  
uzrokovano teškom ekonomskom situacijom i smanjenjem privrednih aktivnosti, ali i nekih  
povećanih izdvajanja, obaveza i izdataka.

I Rebalans budžeta Općine Gračanica za 2012. godinu je upravo rezultat takve ekonomske  
situacije koja je dovela do smanjenja prihoda, prije svega od indirektnih poreza, ali i neporeznih  
prihoda. Indirektno je to uticalo i na smanjenje tekućih i kapitalnih grantova viših nivoa vlasti, jer  
su i tamo prihodi umanjeni.

Budžet je u odnosu na planirani - koji je iznosio 15.473.000 KM, manji za 2.712.000 KM i  
iznosi 12.761.000 KM, a sastoji se od:

- Viška prihoda iz prethodne godine...592.000 KM
- Prihoda.....8.780.000 KM
- Primitaka .....3.389.000 KM

Ovo sve pod uslovom da se za zadnjih dvadesetak dana ove godine ne dese drastične  
promjene u ostvarivanju prihoda, jer se situacija mijenja iz dana u dan.

Tako su nam poslije slanja materijala na Vijeće došle nove procjene iz kojih je vidljivo  
smanjenje prihoda po osnovu indirektnih poreza i poreza na dohodak i za 2012. i 2013. godinu, a  
nismo se odlučili za promjene nadajući se da ćemo u rashodima za te iznose pokušati uštediti.

Ukupni prihodi (bez primitaka) manji su za 1.141.000 KM, od čega su:

- Porezni manji za..... 381.000 KM
- Neporezni manji za ..... 214.000 KM
- Tekući grantovi manji za ... 546.000 KM

Kako se koja vrsta prihoda ostvarivala, vidite iz Analitike prihoda koja je sastavni dio  
rebalansa, kao i iz obrazloženja uz rebalans, te nema potrebe da i ja to ponavljam.

U skladu sa ostvarenjem prihoda i rashoda za prvih 10 mjeseci koji je bio osnova za  
pripremu rebalansa i procjene do kraja godine, valjalo je usaglasiti i rashode da bi uravnotežili  
budžet i godinu završili bez deficita.

U prilogu imate i kretanje izdataka i pojašnjenja za određene devijacije, smanjenja ili  
povećanja. Ja ću pojasniti samo neke:

Izdaci za plaće i naknade zaposlenih su manje za 296.900 KM. Nije to rezultat lošeg plana,  
nego nepopunjenih upražnjenih radnih mjesta, kao ni mjesta nekih penzionisanih radnika. To je  
moja odluka da se zbog izbora ne vrši popuna, iako je bilo potrebe. I dobro je što se to desilo tako,  
jer da smo izvršili popunu već bi imali deficit.

Smanjena su i planirana sredstva za: regres, topli, obrok, dnevnice.

Osim ovih iz pregleda ste vidjeli da su manji i slijedeći izdaci:

- Izdaci za energiju za 31.000 KM,
- Izdaci za komunalne usluge za 14.000 KM,
- Nabavka materijala za 40.800 KM,

- Izdaci za tekuće održavanje za 119.700 KM,
- Grantovi pojedincima za 41.500 KM,
- Ostali grantovi i povrat za 17.000 KM,
- Izdaci za kamate za 25.800 KM,
- Doznake vanjskim korisnicima za 10.000 KM,
- Izdaci za sanaciju klizišta su veći za 100.000 KM zbog namjenskih sredstava viših nivoa vlasti a odnosi se na (klizište Mehići, Stjepan Polje, Lukavica, Malešići) i neka sredstva za zimsku službu.

Veći su i:

- Izdaci za ekologiju zbog namjenskih sredstava sa viših nivoa vlasti,
- Izdaci za biračke odbore zbog izbora,
- Grantovi za obrazovanje zbog većeg broja karti za prevoz učenika,
- Finansiranje volontera zbog većih zakonskih obaveza za volontere i neuključivanje u plan sredstava za volontere iz 2011. godine i troškove prevoza za one koji putuju,
- Sredstva za sport, zbog većih potreba, taksa i nova dva kluba, odnosno škole sporta,
- Organizacija sajмова zbog namjenskih odobrenih sredstava Kantona, koja su takođe išla preko budžeta.

Kapitalni izdaci su planirani u iznosu od 5.228.600 KM, što je u odnosu na plan manje za 2.520.400 KM.

Nije došlo do realizacije kredita Evropske investicione banke (ne našom krivicom), nisu obezbijedena sredstva za toplifikaciju, nisu realizovani neki projekti vodovoda iz kredita, te nisu okončane neke procedure za projekte, zbog čega će oni biti predmet budžeta za narednu godinu.

Kod jednog broja kapitalnih projekata došlo je do većeg ostvarenja koji je rezultat ugovorenih i stvarnih cijena postignutih nakon provedenih postupaka javnih nabavki i dodatnih radova da bi se projekat završio (vodovodi Vranovići i Donja Lohinja, putevi Piskavica, Babići, Lipa, Bosanskih kraljeva, Veseli brijeg, Lukavica, Prijeko Brdo, most Stjepan Polje, kao i putevi: Lendići, Hajdarovac (namjenska sredstva Federacije), koja nisu bila u prijedlogu budžeta.

Nova budžetska stavka je kapitalni grant za „Komus“ - nabavka buldožera za deponiju (radi se o namjenskim sredstvima koja smo obezbijedili od Federalnog ministarstva okoliša).

Izdaci za regulaciju Sokoluše su takođe veći jer se radi o namjenskim sredstvima Fonda okoliša po našoj aplikaciji.

Kada već govorimo o namjenskim sredstvima, moram istaći da smo zahvaljujući ovom novom odjelu koji je za razvoj i projekte fondova obezbijedili samo u 2011. i 2012. godini 1.664.755 KM. Neka još nisu operativna.

Planirani višak prihoda ili suficit su nerealizovana namjenska sredstva.

Sva druga pojašnjenja možete naći u dostavljenom prijedlogu a i mi vam stojimo na raspolaganju.

Predlažem da izmjene budžeta usvojite, uz nadu da u narednih dvadesetak dana neće doći do novih problema sa prihodima, odnosno manjeg ostvarenja i da ćemo ovu godinu završiti sa planiranim suficitom koga prenosimo u budžet za narednu godinu.”

Učesnici u diskusiji po prvoj tački dnevnog reda su:

Rahim Gadžić:

“Klub vijećnika SDA je razmatrao Odluku o izmjenama i dopunama budžeta Općine Gračanica za 2012. godinu, ima nekoliko primjedbi i na iste tražimo pojašnjenja. Na prihodovnoj strani, ekonomski kod 722 611 - prihodi pružanja javnih usluga građanima od sportske sale. U desetom mjesecu ostvareno 23.733,00 KM, planira se 40.000,00 KM. Imamo ovdje pitanje. Da li je kupovinom sale na Lukama, kupljeno i preduzeće Sportska sala. Na osnovu čega funkcioniše. Je li formirano novo preduzeće za koje mi ne znamo. Mi znamo kad smo kupovali objekat na

Lukama da smo kupili samo objekat, a nismo kupili preduzeće Sportska sala, pa nas zanima je li to novo javno preduzeće formirano, kao i na osnovu čega je formirano i zbog čega su prihodi manji u odnosu na planirana. Vidimo planirano je 40.000,00 KM, a ostvareno 23.000,00 KM. Tražimo tu pojašnjenje. Zatim, ekonomski kod 722 614 – vlastiti prihodi MZ-a. Vidimo da je ovdje u budžetu planirano 150.000,00 KM, realizovano je 12.536,00 KM, a planira se do kraja godine realizovati 13.000,00 KM. Da li ovo nije dobro planiran budžet ili su došle neke promjene, pa nije ostvarena ova stavka u приходима. Zatim dalje, domaći grantovi, ekonomski kod 732 112 – primljeni grantovi od Federacije, planirano budžetom 550.000,00, realizovano je 166.630,00 KM. Pitamo zbog čega nisu realizovana sredstva od Federacije ili je to nerealno planirano, ili je došlo do zastoja na liniji Općina-Federacija. Zatim primljeni grantovi od Kantona, planirani su sa 400.000,00 KM u budžetu za 2012. godinu, a realizovane su 152.369,00 KM. Planira se da će se realizovati 176.000,00 KM, a neće biti realizovano 224.000,00 KM. I ponovo postavljamo pitanje za potpore sa viših nivoa vlasti. Zbog čega je došlo do toliko drastičnog smanjenja realizacije projekata sa viših nivoa. Kad su u pitanju izdaci, tekući grantovi ekonomski kod 614 117, grantovi MZ-a. Nisu ništa planirani, realizovano 37.144,00 KM, a planira se do kraja realizovati 82.000,00 KM. Koji su to grantovi i u koje MZ-e ti grantovi idu. Zatim ekonomski kod 614 200 – grantovi pojedincima. Ovdje imamo planirano 377.000,00 KM budžetom Općine Gračanica, realizovano do desetog mjeseca 345.400,00 KM, a planira se realizovati 418.500,00 KM. Tražimo pojašnjenje, koji su to grantovi koji su usmjereni pojedincima. Znači sve u budžetu ima svoje ime i prezime pa treba i da se kaže. Dalje, grantovi neprofitnim organizacijama 904.200,00 KM, planirano 856.000,00 KM. Tražimo pojašnjenje, a znamo koje su tamo organizacije neprofitne, da se pojasni zbog čega je došlo do probijanja ove stavke u odnosu na planiranu stavku. I evo dole kapitalni izdaci, kapitalni grantovi drugih nivoa i ovdje ekonomski kod 615 117, planirano je 720.000,00 KM, a realizovano samo 143.759,00 KM. Zatim nabavka zemljišta. Ovdje je planirano 2.544.000,00 KM, realizovano je 377.677,00 KM. Znači 1.820.500,00 KM nije realizovano. Zbog čega je došlo do nerealizacije ove stavke. Zatim 611 231 ekonomski kod, naknade za privremene i povremene komisije. Planirano je budžetom 38.000,00 KM, realizovano do desetog mjeseca 42.854,00 KM i planira se na kraju realizovati 50.000,00 KM. Nama je poznato da su nadzorni organi većinom uposlenici Općine i da li su u tim komisijama uposlenici, jer vidimo da je ovdje došlo do probijanja stavke sa 38.000,000 KM na 50.000,00 KM. Znači, 12.000,00 KM više. Kada je u pitanju ekonomski kod 611 242, naknade za vijećničke komisije vidimo ovdje da je planirano 15.000,00 KM a realizovano samo 2.480,00 KM. Znači neće se realizovati ni blizu onog što je planirano, a u ovim prethodnim komisijama vidimo ima veliko probijanje. Tražimo pojašnjenje za ove dvije stavke. Isto tako ekonomski kod 613 328 – komunalno održavanje, zimska služba. Realizovano do desetog mjeseca 141.759,00 KM, a planira se da će se do kraja realizovati 190.000,00 KM. Nas zanima zbog čega se čekalo da baš ovi ljudi koji su radili i održavali puteve da im do sada ne bude isplaćeno, a što sam ja i kroz vijećničko pitanje pitao. Tražimo pojašnjenje zbog čega je pojedincima plaćen čitav iznos, a drugim pojedincima nije plaćen. Ako se plaćalo 80% onda neka se plati svima 80% koji su pružali usluge. Zatim, ekonomski kod 613 511, planirano je 30.000,00 KM, realizovano 28.834,00 KM, a do kraja se planira 35.000,00 KM. Dalje, izdaci za tekuće održavanje vodovoda u MZ-a, ekonomski kod 613 711. Planirano da će se utrošiti 50.000,00 KM a utrošeno 788,00 KM. Postavlja se pitanje jesu li to svi vodovodi u MZ-a tako dobro urađeni da nema potrebe da se ni u jedan vodovod u njegovo održavanje ulaže. Zatim izdaci za održavanje puteva u MZ-a, ekonomski kod 613 717. Planirano je 50.000,00 KM realizovano 43.003,00 KM. Planira se realizovati čitava stavka. Ostavlja se pitanje koje su to MZ-e dobile za održavanje puteva jer znamo da pojedine MZ-e nisu ništa dobile, a već je realizovano 43.003,00 KM. Zbog čega nije ispoštovana Odluka naša koju smo mi donijeli da po rasporedu kako smo dogovorili, udaljenost i slično, da su sve MZ-e trebale dobiti određena sredstva za održavanje puteva po MZ-a. Jedne MZ-e su dobile, jedne nisu pa nas zanima koliko je koja MZ-a ovdje dobila sredstava za održavanje puteva po MZ-a. Zatim izdaci za održavanje javne rasvjete

po MZ-a, isto je predviđeno 30.000,00 KM, realizovano je 17.873,00 KM. Planira se realizovati 30.000,00 KM. Postavljamo pitanje, koje su MZ-e dobile sredstva za održavanje javne rasvjete? Ekonomski kod 613 719, horizontalna, vertikalna signalizacija i obilježavanje naseljenih mjesta,

predviđeno u budžetu 15.000,00 KM realizovano 1.950,00. Planira se realizovati čitava stavka od 15.000,00 KM i pitamo gdje su postavljene oznake naseljenih mjesta i gdje je to rađeno. Dalje, 613 936, nadzor nad putnom i drugom infrastrukturom. Planirano budžetom 15.000,00 KM, realizovano 13.763,00 KM, a do kraja se planira realizovati 36.500,00 KM. Vidimo ovdje da je došlo do velikog probijanja, pa nas zanima zbog čega je došlo do probijanja na ovoj stavci. Zatim, stavka, ostale nespomenute usluge, planirano 15.000,00 KM, realizovano 13.000,00 KM, šta se podrazumijeva pod ovim ostalim neplaniranim uslugama. Ekonomski kod 613 999, ekologija. Budžetom je predviđeno 20.000,00 KM, realizovano je 80.962,00 KM, a do kraja se planira realizovati 95.000,00 KM. Tražimo pojašnjenje koji su to projekti realizovani iz ove stavke. Zatim, grantovi MZ-a. Ponovo ista stvar kao i kad smo postavili pitanje za održavanje puteva po MZ-a. Evo, ako ste pogledali vidite da je i ovdje nesrazmjerno prebacivanje para. Jedne su MZ-e dobile 60-70%, jedne su dobile 30%, jedne 40%, a znamo da smo prošli put kad smo raspravljali oko ovog dokumenta dogovorili da će to biti po određenim procentima, jer ovo je za rad VMZ-e. Znači jedne MZ-e su dobile više sredstava, a jedne su manje u odnosu na onu cifru koja je planirana. Znači ni jedna MZ-a nije skoro istim iznosom planirana. Sve su planirane po veličini, po broju stanovnika i slično. To su kriteriji i tu se slažemo. Međutim, kad se pogleda, evo Gračanica je predviđena 13.000,00 KM i neka je ali evo neka manja MZ-a je npr. 2.400,00 KM, ali da bude od 13.000,00, to je 50% od 50% da bude plaćeno 2.000,00 KM. Iz tog razloga tražimo da se ovdje poštuje procenat i naravno do kraja godine do izvršenja budžeta da se ispštuje procentualno, a ako se rebalansom treba smanjiti da se procentom smanji a ne ciframa. Dalje, ekonomski kod 614 229, grantovi pojedincima, jednokratne pomoći. Planirano 20.000,00 a doći će do probijanja jer se planira realizovati 23.000,00 KM. Tražimo da se kaže ko su ti što su dobili jednokratne pomoći. Evo ekonomski kod 614 230 grantovi pojedincima-jednokratne pomoći i porodicama šehida i poginulih boraca. Svima drugima je bilo nešto realizovano iz ovih stavki i grantovi za zdravstvenu zaštitu, ugroženi, dženaze umrlim i slično, ali ovdje porodicama šehida nije bilo ništa realizovano. Bilo predviđeno 3.000,00 KM, a rebalansom se sve briše, nema ništa. Zbog čega je to? Da li to nijedna porodica šehida nije u lošem stanju pa joj nije potrebna pomoć. Dalje, grantovi neprofitnim organizacijama, pomoć najugroženijim penzionerima i drugim kategorijama stanovništva budžetom 35.000,00, realizovano 33.334,00 KM, a planira se realizovati 34.500,00 KM. Postavljamo pitanje ko su korisnici ovih usluga? Dalje, grantovi za finansiranje volontera. Postavlja se pitanje ovdje, planirano u budžetu 100.000,00 KM, a planira se utrošiti do kraja 150.000,00 KM. Nismo protiv, i treba omogućiti mladima volontiranje, ali nas zanima ko su ti koji su volontirali u ovom periodu u Općini? Zatim ekonomski kod 614 311, sportske manifestacije, prvenstva, turniri, sponzorstva, škola sporta itd. planirano 15.000,00 KM, a došlo do probijanja 20.000,00 KM. Ko su korisnici ove stavke, šta je sponzorirano, koji turniri itd.? Dalje, 614 311, kulturne manifestacije od općinskog značaja. Vidimo da će se ove godine realizovati 35.000,00 KM. Koje su to općinske manifestacije podržane iz budžeta? Podrška izdavačkim projektima od značaja za općinu i šire. Šta je podržano što je od značaja za općinu? Znači ekonomski kod 614 311, zatim isti kod – grantovi prema klubovima. Vidimo da će i ovdje doći do probijanja stavke. Već je probijena do desetog mjeseca, a planira se realizacija sa 265.000,00 KM. Zanima nas koliko je kojem klubu i koliko je sport podržan. Znači svaki klub ima svoje ime i prezime pa nas zanima kome je utrošena ova stavka? Zatim ekonomski kod 614 311 grant neprofitnim organizacijama-budžet za mlade. Koji su projekti realizovani iz ovog budžeta i na koji način? Zatim ekonomski kod 615177 kapitalni grant Komus-deponija Grabovac 127.000,00 KM, šta je urađeno sa ovim i da li se planira dalja sanacija deponije. Htio sam pitati i za toplifikaciju grada, planirano 500.000,00 KM, na rebalansu nema, a evo načelnik je u svom uvodnom izlaganju nas upoznao da se na tome nešto radi. Kad su kapitalni projekti u pitanju, ja ću samo reći, nismo zadovoljni što nisu realizovani projekti izgradnje spomen-obilježja. To su veoma mala sredstva. Pojedine MZ-e imaju i projektnu dokumentaciju, imaju sve razrađeno i mogla su se realizovati. To su primjedbe.”

Himzo Avdić:

“Izašao sam u ime Kluba vijećnika BPS-a, po tački Odluka o izmjenama i dopunama budžeta za 2012. godinu, da kažem naš stav. Vijećnici Kluba BPS u Općinskom vijeću Gračanica podržat će Odluku iz sljedećih razloga. Nećemo ulagati nijedan amandman jer bi njihova

realizacija bila nemoguća. Da je rebalans bio prije tri mjeseca, imali bismo mnogo toga za predložiti. Ovo je sada gotova stvar, načelnik je iznio činjenično stanje, odnos onako kako je on realizovao budžet. Da je moglo drugačije moglo je vjerovatno i svako bi to drugi uradio na svoj način. Ovdje se postavlja glavno pitanje da li je realizacija išla po zakonu i propisima. Odgovor na ovo pitanje možemo dati mi. To će raditi revizori i njihove nalaze ćemo imati kada budemo imali na dnevnom redu izvještaj o realizaciji budžeta. Ponašam još jednom, obzirom da praktički ne možemo uticati na realizaciju budžeta, mi ćemo ga kao klub podržati uz jednu napomenu. Svi projekti koji nisu realizovani u 2012. godini da se realizuju u 2013. godini.”

Vehid Osmanović:

“Klub vijećnika SDP-a će podržati ovakav rebalans budžeta uz žaljenje što je došlo do strahovitog smanjenja prihoda u iznosu od 2.700.000,00 KM. To se najviše odnosi na nerealizaciju kredita Evropske Investicione Banke u iznosu od 855.000,00 KM, poreskih prihoda u iznosu od 715.000,00, te grantova Federacije i Kantona u iznosu od 586.000,00 KM. Takođe smanjeni su i prihodi kod MZ-a koji su bili vezani za trezorsko poslovanje, koje nije zaživjelo u ovoj godini. Tu se nalazi i odgovor Gadžiću na jedno 4-5 pitanja koja je postavio. Većina projekata koji nisu realizovani zbog ovog pada prihoda, predviđeni su nacrtom budžeta za sljedeću godinu što je vidljivo, najviše kod vodosnabdijevanja. I nadam se da će u sljedećoj godini biti realizovani. Znači napomenu sam, SDP će i ovakav rebalans podržati.”

Fadil Mešić:

“Prihodovna stavka rebalansa budžeta ekonomski kod 716 111, prihodi od fizičkih lica od nesamostalnih djelatnosti 660.000,00 KM. Znači tu spada da svi zaposleni na općini Gračanica plaćaju porez na plaće 10%, zatim odmah iza toga kada imamo ekonomski kod 716 112 prihodi od samostalnih djelatnosti. Znači to su obrti kojih ima prema nekim procjenama oko hiljadu na općini Gračanica. Tu je ostvareno 44.000,00 KM. Mali su ovdje iznosi gospodine načelnice, što znači da privatnici ne plaćaju porez od 10% svojim radnicima. Drugačije se ovo ne može istumačiti jer imamo ovdje enormno odstupanje. Zatim 716 113 ekonomski kod, prihodi od poreza na dohodak od imovine i imovinskih prava. Tu spadaju honorari, upravni odbori članovi. Predviđeno je 20.000,00 KM, ostvareno samo 2.559,00 KM. Takođe je veoma mala naplata. Trebalo bi znači da i članovi upravnih odbora u javnim ustanovama plaćaju 10% jer to su primanja i porez je na ta primanja, a oni to ne plaćaju, niti ih ima ko da natjera ovdje u ovom slučaju. Zatim ekonomski kod 722 321 općinske komunalne takse. Predviđeno 450.000,00 KM, ostvareno 350.366,00 KM. Znači minus sto hiljada, a to je na istaknute firme. Ovdje kod ovih općinskih komunalnih taksi imali smo i tužbu jednog privatnog poduzetnika na razrez i kriterije, pa je Općinsko vijeće 2011. godine ispravilo. Ali i dalje osnovica za razrez je vrsta prihoda, a tamo je Ustavni sud istumačio da to ne može biti jer se stavljaju u neravnopravan položaj. Tužba je dalje otišla, što znači u ovoj prihodovnoj strani da najveći prihodi i dalje su od PDV-a i da mi to svi plaćamo. Znači građani najviše pune budžet. Malo bi ovdje trebali ovi organi npr. Poreska uprava i inspekcijски organi da krenu u akciju, neka prikupljaju i rade svoj posao. Toliko. Hvala!”

Hasan Puškar:

“Ja bih prvo pitanje, primljeni grantovi od Federacije ekonomski kod 732 112. Planirano znači 550.000,00, ostvareno 166.630,00 KM, a izmjenama i dopunama bit će 153.000,00 KM. Mislim ako je ostvareno 166.000,00 ne može 150.000,00 bit na kraju. Greška neka vjerovatno. Molio bih da nam se malo pojasni jer je nelogično. Ja imam primjedbe lično i imam primjedbe VMZ-e Soko i građana pa ću ujedno jedan dio primjedbi iznijeti zajednički, a kasnije sam. Moja generalna primjedba i VMZ-e Soko i građana Sokola je, da li Općinski načelnik opet MZ-u Soko u budžetu općine Gračanica što se tiče kapitalnih projekata, znači ponovo je predvidio sa nula KM. To je pet godina, četiri godine znači. Mi smatramo da bi ga trebalo biti stid nas mještana Sokola. Znači to je kolektivno mišljenje. Ali to je plod politike raspodjele sredstava, građana, SDP-ove većine i Općinskog načelnika u protekle četiri godine i po rebalansu vidim da će se to i nastaviti i u narednom periodu. Prije nego nastavim iznositi primjedbe na rebalans budžeta za 2012. godinu prenijet ću vam odluke VMZ-e Soko. Napominjem da su na Vijeću bili prisutni svi članovi, znači



vijećnici SDP-a, BOSS-a i SDA. Donijeli smo sljedeće odluke. Pošto je načelnik skinuo sva sredstva za kapitalna ulaganja u iznosu od 50.000,00 KM, a ima nekih 9.000,00 KM uloženo, mi ne znamo, znači ni jedan član VMZ-e nije znao objasniti gdje su uložena, da u roku od pet dana a najkasnije do petka 14. 12. 2012. godine na račun MZ-e Soko vrati sredstva građana u iznosu od 30.000,00 KM koje su mještani Sokola sakupili i položili u Općinu. Pošto godinama smatramo da smo oštećeni za sredstva iz koncesije koja se plaćaju za vodosnabdijevanje, ovo je druga odluka, VMZ je angažovalo pravnog zastupnika, to jest advokata radi ostvarivanja prava. I ja mislim, ako nije, bit će pokrenut sudski postupak protiv Općine i odgovornih lica Općine. U toku tog postupka ćemo mi kao Vijeće i građani napokom znati koja su naša prava u vezi koncesije za vodu i vode uopće iz Sokola koju Općina Gračanica koristi desetinama godina. Treća odluka, donesena je odluka da se napravi džambo plakat i afiše podijele građanima Sokola i šire sa spiskom svih vijećnika i naravno načelnika koji se postarao da Soko 4-5 godina bude što se tiče kapitalnih ulaganja nula u budžetu. Ja se u ime građana Sokola odavde javno zahvaljujem. Primjedbe. Za zimsku službu, da li će se ijedne godine što se tiče zimske službe ispoštovati vrijeme i nabaviti posipni materijal na vrijeme. Napominjem načelniku i ostalim službenicima odgovorinim za ovo da oni iz budžeta za svoj posao uzimaju dobre plate, čije se cifre mjere hiljadama KM i da se ne igraju više sa strpljenjem građana. Ne može doći mjesec decembar da nema soli i posipnog materijala, da se put posipa. A to se svake godine ponavlja. Svake godine. Je li se to radi svjesno. Neka malo razmisle o tome. Da bi znači znali da pomenute odluke nisu mrtvo slovo na papiru, ovih dana ćete imati grupu građana pred Općinom, ako ih mognete primiti i to ne samo iz Sokola, bit će ih i iz drugih mjesnih zajednica. A sada da se vratim budžetu. Moje prvo pitanje je načelniku da objasni Vijeću, pošto ima novih vijećnika, je li odluka Općinskog vijeća obavezujuća pri realizaciji budžeta. A to ću potkrijepiti konkretno znači sa dva primjera. To je najlakše tako objasniti. Odlukom su raspoređena sredstva po matematičkom proračunu, svim MZ-a proporcionalno za održavanje puteva i javne rasvjete, pa da nam objasni kako to on plaća kad u rebalansu vidim da su to sredstva realizovana u iznosu od 50.000,00 KM, za održavanje puteva, a čini mi se da su realizovana sredstva za održavanje javne rasvjete. Ja odgovorno tvrdim da u Soko nije došla ni jedna jedina marka za održavanje puteva. Ja nisam upoznat kao predsjednik MZ i VMZ-e. A takođe sam upoznat i sa ostalih nekoliko MZ-a sa kojima sam se konsultovao. Znači, interesuje me. Sredstva se moraju proporcionalno raspoređivati, tako piše u Odluci. Matematički je proračunato koliko koga sleduje. Znači želim znati poimenično koja je MZ-a dobila, koja nije i da nam se dostavi pismeno. I drugo konkretno je pitanje. Ako hoćemo kupiti nešto, recimo neko drvo u vrijednosti od 20.000,00 KM i to predvidimo budžetom Općine Gračanica. Kako pomenutu javnu nabavku izvršiti? Na osnovu čega se raspisuje tender? Koliko se smije pomenuta stavka probiti u odnosu na budžet? Znači, molim odgovor konkretan na konkretno pitanje. Sljedeća stavka iz budžeta, nisam se bavio ekonomskim kodovima, ja ću ovako. Horizontalna i vertikalna signalizacija je u gradu katastrofa, a da ne pričam po MZ-a. Sredstva se svake godine predvide ali kome god se u Službi obratiš niko ne smije bez odobrenja ni doći pogledati gdje fali znak i slično, a kamoli isti i postaviti. Znači, hoće li se i jedne godine sredstva realizovati i hoće li se više postaviti horizontalna i vertikalna signalizacija gdje treba. Nadzor nad putnom infrastrukturom i ostalo, predviđeno 5.000,00, a očekuje se realizacija 35.000,00 KM. Doček Nove godine, predviđeno 10.000,00 KM, a bit će 13.000,00 KM. Zašto? Zar nismo blizu deficita budžeta. Probijamo i to. To su sve skupovi bez kojih se može. Obezbjedenje javnih skupova. Kojih to skupova? 3.000,00 KM predviđeno a realizovano 7.000,00 KM. Koji su skupovi bili toliko značajni pa da smo probili do desetog mjeseca 4.000,00 KM i još hiljadu imamo do kraja godine. Grantovi. Ovo je najzanimljivije, dok jedni koji rade u interesu građana grcaju od posla, načelnik baca mrvice pogače istim, a drugi dobivaju ne pogaču već još više komada. To ćemo u nastavku vidjeti. Grantovi MZ-a isplaćivani su oko 30-40%, a većina MZ-a od prvog do zadnjeg rade svoj posao, u interesu građana bez obzira kojoj političkoj opciji pripadaju i uglavnom se radi, sastaju se, planiraju, predlažu i bore za svoje građane. A koliko cijeni naš rad Općinski načelnik vidjeli smo prije dvije sjednice kad nam je rekao da se mi ništa ne pitamo VMZ-a i predsjednici VMZ-a, ne iza ove govornice nego druge. A sad ostali grantovi pojedincima, grupama građana i slično. Predviđeno budžetom 377.000,00 KM, a za deset mjeseci realizovano 345.000,00 KM. To je oko 90% realizacije, znači za neke tamo zabave itd. A sad najzanimljiviji grant-volonter. Od načelnika

tražimo da nam dostavi spisak volontera jer mi smo ovdje Odlukom planirali koliko će volontera biti zaposleno u Općini, Općinsko vijeće planiralo. Općinsko vijeće donosi odluku i odluka Općinskog vijeća se mora poštovati. Ako je neko htio da zaposli više volontera, znači to je morao dostaviti na Vijeće i tražiti da mu Vijeće odobri probijanje tog. Grantovi prema sportskim klubovima. Planirano 230.000,00 KM. Za deset mjeseci potrošeno 238.000,00 KM, a za još dvadeset dana bit će još potrošeno 28.000,00 KM. Više od planiranog znači bit će 35.000,00 KM. To je za mene, za zabavu, to nije život, a za projekte značajne za život većine građana, kao što je poticaj poljoprivredi, od planiranih 45.000,00 KM za deset mjeseci realizovane 4.000,00 KM. Znači za zabavu se može probijati, a za život građana što je značajno, nema ništa. I nemoj da neko priča bit će realizovano za dvadeset dana, to je priča za malu djecu. Za izvršenje budžeta neće to biti realizovano. Rukometno igralište-rekonstrukcija planirana 15.000,00, ostvareno 7.500,00 KM. Može li nam samo neko objasniti šta je to urađeno na rukometnom igralištu za ovih 7.500,00 KM. Škola Dobrovci, povećanje 22.000,00 KM. Dalje, motorno vozilo MUP-a. Ja ne znam da je vozilo planirano u budžetu. A na radiju je bilo kupio načelnik, pa sam mislio da jest kupio. Ono mi kao Vijeće nismo upoznati, a faktura dođe sad u rebalansu budžeta Općine Gračanica. Dalje, projekte iz budžeta, koji su ili nisu realizovani, neću dalje nabrajati. Ali napominjem jedno, da ima projekata koji su urađeni a ne nalaze se u budžetu. Ima ih koji su probijeni od planiranih, pardon, gotovo su svi probijeni, jer neko dobro planira projekte i konsultuje se sa institucijama MZ-a i drugim organima pa se napamet planira i raspisuje izgleda većina tendera jer svi su probijeni i to za veće cifre. A posebno bih naglasio da se većina ugovorenih stavki probija puno više nego što je ugovoreno ugovorima a to će nam biti tema na sljedećoj tački dnevnog reda. I sljedeći zaključak moj bi bio zašto se ne poštuje Odluka o izvršenju budžeta, član 17. Ja smatram da za tu odluku neko treba da odgovara što se ne poštuje. Ja ću tražiti da za tu odluku neko odgovara, ne ja nego Klub vijećnika SDA. Znači 100% neko mora za to odgovarati. Hvala!”

Dino Dedić:

„Ja imam nekoliko pitanja koje bih postavio i želim ako je moguće da dobijem odgovr. Što se tiče grantova Federacije, mene takođe interesuje zašto nisu realizovani grantovi kao i grantovi iz Kantona? Drugo pitanje, zašto nisu realizovana sredstva EIB-e, kojeg ste vi napominjali? Treće pitanje, zašto nije realizovan projekat istražne i eksploatacione bušotine u iznosu od 1.522.000,00 KM? To su ta pitanja i želim još da naglasim. Ja ispred Liberalne stranke takođe mislim da ovo što su kolege iz BPS-a predložili da projekti koji su u budžetu prošle godine bili, odnosno ove, treba prvo da se realizuju, pa tek onda sljedeći da se planiraju i realizuju. Hvala!“

Almedin Devedžić:

„Ja bih malo komentarisao Odluku o izmjenama i dopunama budžeta Općine Gračanica za 2012. godinu. Moje kolege iz SDA su puno, puno iznijeli, evo možda ću si i poklopiti s nekim, ponoviti. Htio bih da se razjasni ekonomski kod 614 311 grantovi prema klubovima, pošto mnogo sportskih radnika upućuje pozive i prema SDA i prema vijećnicima, nevezano kojoj političkoj opciji pripadju i pitaju se koji klubovi su finansirani, odnosno praćeni sredstvima iz Općine i u kojem omjeru. Drago mi je što je ovaj iznos od 230.000,00 KM planiran i da je već realizovan i da se budžetom i probija? Tu informaciju želim da prenesem i ostalim građanima koji se interesuju za to, znači koji je sportski klub koliko dobio iz ovih sredstava? Drago mi je što je ovoliko i nadam se da će u nacrtu budžeta, odnosno u sljedećem budžetu biti i više. Isto tako i kultura kad je u pitanju govorim iz razloga, zato kad su u pitanju MZ-e ima tu dosta problema. Sportsko-kulturni život je uglavnom mrtav. Pojedine MZ-e se, da kažem bore nekako, odnosno klubovi koji tu egzistiraju, bore se na razno razne načine da prežive. Slabo su praćeni finansijski. Isto tako i kultura, dakle omladina, pitamo se zašto se ne dešavaju određene stvari, niko im ne nudi ništa. Sve što imaju to je sport i kultura, ali vidimo kako su praćeni. Kad je u pitanju recimo kultura, interesuje me, pošto sam i aktivista i član jednog KUD-a, evo KUD-a „Adem Alić“, 614311 planirano je ono znači posebno sa 7.000,00, i drago mi je da će se realizovati trenutno 4.500,00 i nadam se da će sljedeći budžet biti veći. Žao mi je što ostala KUD-a nisu praćena na adekvatan način, planirano 7.000,00 KM, trenutno 2.700,00 KM i nadam se da će do kraja godine i oni što su potpisali određene ugovore, a mislim na KUD-a dobiti svoja sredstva koja su im obećana. Mislim da bi trebalo

ubuduće više pažnje posvetiti posebno radu KUD-a i sportskih klubova jer je to sve ono što funkcionira na MZ-a. Malo bih se dotakao i svoje MZ-e iz koje dolazim, MZ-e Lukavica. U ovom budžetu o kojem raspravljamo planirane su razno razne stvari. Vodovod 70.000,00 KM. Interesuje me i pitao bih načelnika, ekonomski kod 821 123, dakle vodovod u Lukavici. Planirano je 70.000,00 KM i ako se ne varam 100.000,00 KM iz zaduženja, šta je planirano sa ovim da se uradi i zašto nije realizovano. Zatim ponovo se vraćam na omladinu, društveni dom. Društveni dom u Lukavici je jedan od rijetkih na području općine Gračanica koji nije rekonstruisan i stalno se svake godine ponavljaju ista sredstva 10.000,00 KM, 5.000,00, 10.000,00 KM i međutim kisne. Omladina i ostala udruženja u Lukavici bukvalno nemaju gdje da održe sastanak, nemaju nigdje da provode svoje aktivnosti. Sve se svelo na školu. Nažalost, infrastruktura škole je isto tako na izmaku, zato što je cijela Lukavica koristi jer nigdje se sastanak ne može održati, a kamoli kakva aktivnost osim u školi, odnosno u fuskulturnoj sali. Žao mi je što je ovdje rekonstrukcija društvenog doma u Lukavici, bez obzira što je planirana 10.000,00 KM, što se neće realizovati u ovoj godini. Mislim da je to bio prioritet, stvar koja se pod hitno mora rješavati. Ja bih zamolio načelnika da obrati pažnju na taj dom. Mislim da je pored vodosnabdijevanja jedan od gorućih problema u Lukavici. Pored toga, evo putevi 35.000,00 je korišteno, planirano. Urađen je jedan put u naselju Šašovka i evo ovdje kaže da je planirano tih 35.000,00 KM i čini mi se realizovano ako se ne varam 57.000,00 a ukupno do kraja 60.000,00 KM. Drago mi je što je taj put napravljen i bio je važan, mada ima još prioritetnijih puteva u MZ-i Lukavica. Ali mi onako za oko zapalo, bio sam na tom putu, što je urađen prošle godine, a već je na par mjesta dobro oštećen. Interesuje me da li je izvođač radova obavezan da to popravi i kad će to uraditi jer ipak, što je Općina uložila svoja sredstva i građani su uložili određena svoja sredstva a put je već slomljen. Evo i trotoari, ovdje piše rekonstrukcija trotoara, izgradnja kroz centar MZ-e. Interesuje me pa bih zamolio načelnika da pojasni status džamije u Lukavici kao zaštićenog spomenika koji se isto tako zadnjih nekoliko godina u budžetu provlači. Međutim, planira se po 20.000,00 – 25.000,00 KM kao i voda ali u realizaciji na kraju bude nula. Interesuje me ko je započeo tu aktivnost da se on proglasi? Zašto se ne realizuje ta aktivnost jer se stalno ponavlja jedno te isto. Planira se, a ne uradi se i naravno građani pitaju hoće li doći do realizacije tog projekta. Ako neće, da znaju da se to više ne planira i ne znaju šta da rade pošto se novi vjerski objekat gradi pored njega. Mještani zaseoka Delići žele da upražnjavaju svoje vjerske aktivnosti ali nemaju gdje. Toliko.“

Senad Selimović

„Imam četiri pitanja uputiti načelniku. Prvo, šta je sa sredstvima od 10.000,00 KM za vodovod u Trnovcima? Ekonomski kod 821 142. Drugo pitanje je, zašto nije urađena rekonstrukcija mosta u Trnovcima? Ekonomski kod 821 650. Treće pitanje, zašto nije urađeno spomen-obilježje šehidima u Gornjim Doborovcima? Ekonomski kod 821 237. S obzirom da je MZ-a Gornji Doborovci podnijela zahtjev Općini Gračanica za izgradnju spomen-obilježja 14. 05. 2012. godine gdje kaže: U prilogu vam dostavljamo rješenje o urbanističkoj saglasnosti i zahtjev za iskoličenje objekta 23. septembra 2011. godine i predmjer i predračun, odnosno glavni projekat. Zašto do sada nije izgrađeno spomen-obilježje šehidima u MZ-i Gornji Doborovci. I četvrto pitanje, zašto Gornji Doborovci još nemaju sportski poligon, ekonomski kod 821 232. Toliko. Hvala.“

S obzirom da nije bilo više prijavljenih članova Vijeća za diskusiju, odgovore na primjedbe, sugestije i pitanje dao je Općinski načelnik Nusret Helić:

„Uspio sam nešto zapisati iako većina ovih primjedbi će dobiti svoj odgovor kod izvršenja budžeta gdje će biti detaljno nabrojano po svakoj stavci zašto su sredstva izvršena, na koje klubove, na koje volontere, na koje jednokratne pomoći itd. Ali ja ću evo na neka pitanja, ukoliko sam uspio zapisati malo pojasniti. Kad su u pitanju prihodi, dakle od nas ne zavisi gotovo ništa. Prihodi se znate na koji način ostvaruju. Ko prikuplja, imaju određeni kriteriji po kojima se vrši transfer prema općinama. Posebno kad su u pitanju prihodi po osnovu PDV-a, dohotka od samostalne djelatnosti i svake druge djelatnosti. Dakle, na to mi ne možemo uticati i oni su ovakvi kakvi jesu. Evo prvo je bila riječ o sportskoj sali, šta je u pitanju. Dakle, sportska sala je u jednom odijelu općinske službe. Kupili smo zgradu, nikakva firma, i unutar te zgrade nastavili smo

koristiti ugostiteljski objekat jer donosi prihode. Prijavljeni smo u sistem PDV-a. To što nije ostvareno četrdeset, planirano dvadeset, u zimskom periodu je više dole događanja i računamo da ćemo u tom periodu od desetog mjeseca kad nam je bio presjek ostvarenih. Dakle ne zaboravite deseti mjesec je bio presjek, poznato izvršenje. Znači imamo dva mjeseca. Sad je drastično drugačije izvršenje svih ovih stavki, tako da je to kad je sala u pitanju. Nikakvog javnog preduzeća, a razmišljamo o ustanovi kad se završi ova sala i o tome će odluke donijeti vijeće itd. Sad su oni unutar jedne službe. Grantovi od Federacije, nisu sredstva od toplovoda ostvarena. Planirali smo u ovoj godini 500.000,00 KM. Nisu ostvarena, ali smo neke druge ostvarili pa je to onih 160.000,00 KM, odnosno 170.000,00 KM. Od Kantona takođe. Mi od Kantona grantove planiramo na bazi prošle godine. I ovdje su bila planirana iz ekologije veća sredstva jer smo prošle godine dobili blizu 270.000,00 KM iz ekološkog fonda Ministarstva prostornog uređenja. Ove godine je samo 64.000,00 KM i to su projekti da ne nabrajam neki koji su već i realizovani. Između ostalog za Džakule kanalizacija i nešto u gradu isto tako. Imat ćete to pregledno kad se sve završi. Kad su u pitanju razlozi, MZ-e šta se desilo. Računali smo na trezor, sjećate se, pa smo bili uključili određene vrste prihoda i rashodi u MZ-a kroz budžet. I onda smo se dogovorili, nisu se stekli uslovi, dakle vraćeni su tamo prema MZ-a. Zato su ta izvršenja. Ono što je do tad u dva mjeseca izvršeno to je u pitanju. Grantovi pojedinim neprofitnim organizacijama, pojedincima, vidite tamo u sintetici na što se odnosi. I vidite tamo koliko je realizovano i šta će. Dakle mi smo procijenili da će u ova dva mjeseca biti realizovano. I ovo kad su u pitanju i MZ-e i neki drugi grantovi, oni će biti izvršeni do kraja godine. I zimska služba i sve ono. To što je neka MZ-a kad su grantovi u pitanju više, evo imamo primjer u Gračanici, jer oni imaju zaposlenog jednog pa pod pritiskom dobiju više sredstava. Ali imaju dvije MZ-e gdje su tražili da im se prebaci nešto na račun čitavog granta jer moraju završiti neki svoj projekat, a do kraja godine će biti svi ispoštovani, evo već u ovoj sedmici će neki grantovi ići prema MZ-a. Komisije, znate koje su komisije, do 50.000,00. Mi smo sveli na minimum. Dakle, za one tehničke preglede i neke još, vanjski članovi komisije imaju naknade odgovarajuće, a ovi drugi imaju po tri marke po jednom pregledu. Ovdje su sada, da ne nabrajam, čak i mrtvozornici i svi. A znate koliko, od toga 50% nose mrtvozornici, a to su oni koji konstatuju smrt i toga je vjerujte svaki dan. Što se tiče uposlenika jedino komisija za javne nabavke, koja je jedna od najsloženijih ima mjesečnu naknadu od 100,00 KM. Ovo ostalo su sve ove komisije i vanjski članovi. Zimska služba, realizovano 140.000,00 KM, ono što ste primijetili tamo, ali već je u ovom periodu, kad je isplaćena naknada za zimsku službu, sad je izvršenje već negdje 170.000,00 KM i očekujemo kako smo i planirali da ćemo ove godine platiti dio ove soli koja je nabavljena. Hasane, ona je nabavljena, imamo od prošle godine 20-30 tona na lageru. Sad smo nabavili samo razliku, pa je tu negdje kuršlus na relaciji osoba koja radi i niste znali za to i to uzimam da je naša greška. Javna rasvjeta, održavanje, imat ćete podatke imenom i prezimenom za šta je. Tako isto održavanje puteva, negdje se pojave ekstremne stvari, pa neću reći Lukavica klizište pa ide iz tih sredstava kao i negdje još, ali imat ćete sve, zaista imat ćete i pregled i kroz izvještaj o izvršenju budžeta do tačke kome je jednokratna pomoć dodijeljena šta je i kako. To nije tajna, to i sada ima tamo u službama. Horizontalna i vertikalna signalizacija. Ona će biti realizovana ovoliko. To se uglavnom odnosi na znakove najviše u Gračanici i na signalizaciju novog puta pored Elektroposlovnice, signalizaciju novog puta kroz Hajdarovac, Lipa. To su dakle ta sredstva i bit će realizovana u tom iznosu. Nadzor, putevi, samo su povećani zbog toga što je nadzor za sportsku salu do 2% na tenderu, a sportska sala je blizu milion, 2% je dakle 20.000,00 KM i za puteve ona razlika, dakle zbog toga se povećalo jer nismo imali to u vidu kad smo proveli procedure da je to tako. Ekologija, spominjao sam dakle Kanton, naknadno smo dobili sredstva, nisu bila planirana i valja ih staviti u budžet. Ove jednokratne pomoći što je više, nisu one dodijeljene, mi smo ih spojili i boračke u jednu stavku, jer je čudno da razdvajamo, miješa se nekad kad knjiže, sad smo stavili jednu stavku i sve porodice šehida imaju pravo aplicirati na tu stavku i logično je da budu pod jednom stavkom. Penzioneri, vi znate da mi već šest godina pratimo projekat za pomoć penzionerima, čini mi se da je to najuređenije udruženje koje opravda svaki dinar, 32.000,00 ide po njihovim kriterijima tamo za penzionere, pred kraj godine. Ostalo su druge jednokratne pomoći i drugi vid pomoći onim koji se lično obraćaju načelniku. Volonteri. Dobit ćete i spisak volontera i da znate da nismo ni ovde do kraja ispoštovali da ne kažem sve zakone. Ogromni su sad doprinosi

na volontere. Mi za volontere ubuduće trebamo izdvojiti preko 35% prosječne plate da bi imali u pravom smislu i to valja voditi računa kod narednog budžeta i vidjeti koliko smo u mogućnosti, a zaista imamo želju da prođu svi, a pogotovo za one koji volontiraju u Općini. Tamo je za njih drugačije utvrđeno i morate izdvojiti sredstva. Sportske manifestacije, turniri, imat ćete pregled. Sve i jedan turnir, svake MZ-e je sa određenim, gotovo istim sredstvima podržan. Nije u rebalansu da se daje pregled ali u izvršenju ćete imati. Tako i kod kulturnih manifestacija i od općeg značaja, a i drugih. Prema klubovima imat ćete, budžet za mlade zašto je realizovan, kako je realizovan. O Komusu sam govorio, to su sredstva Ministarstva, za deponiju, tako smo ga zvali, nabavljen je buldožer, vode se procedure oko prenosa. Ova su sredstva legla na račun i valja ih u ove svrhe i potrošiti. Mešić, evo dakle govorio sam o prihodima na to ne možemo uticati. Komunalne takse na firmu. Mi sve prihode, naše i ove druge na bazi prethodne godine planiramo. Isplanirane su u skladu sa onim što je izvršeno u 2011. godine. Evo vidite kako je za deset mjeseci izvršeno. Očekujemo da će Poreska uprava koja vrši i razrez i naplatu do kraja ispoštovati. U međuvremenu se desilo da je puno firmi odjavljeno, da znate, ovih manjih, poslije uvođenja onog sistema onih kasa, da je preko 50 zanatskih radnji odjavljeno. Održavanje puteva, javne rasvjete evo rekao sam, dobit ćete. Nova godina je jedna tradicija i u tih 13.000,00 KM su sva ona kićenja, sve, manifestacija, muzika, druženje. Možemo mi bez toga, ali smatramo da nije realno kad smo već ušli u tradiciju i nisu to znatna sredstva i ona su u interesu građana. Ovo da je sport zabava, ljudi nije. Slažem se možda bi svako drugačije. Ja ne mogu uzeti na sebe da ja ne dam za Kaskadu koja evo sad kreće i svake sedmice ima putovanja daleko, i da ja kažem nema para, nećete otići. Tako su svi klubovi. Vjerujte ne bi bilo klubova na općini da nije ove podrške iz budžeta. Ako treba, evo ide nacrt budžeta za narednu godinu smanjite, a ja mislim da ne treba i da smo rijetka općina koja obezbjeđuje svim klubovima najnužnije da bi opstali. Škola Doborovci, ja ovo za neke govorim, nemojte zamjeriti ako šta preskočim. Mi smo kandidovali projekat za završetak škole. U budžetu smo imali petnaest ili dvadeset hiljada čini mi se, za fasadu. Za te pare smo uradili dvije fasade, a ostale sljedeće dvije. I mi onda kandidujemo projekat i odobren nam je projekat iz Kantona. I sad te pare koje će doći planirali smo za to i mislimo da je dobro da čitavu školu utoplamo, odnosno da završimo fasadu. EIB – neki grantovi, zašto nisu realizovani. Rekao sam na početku. Vjerujte, imamo mi projekata s Kantom, s kojim smo potpisali ugovor. Mi završili projekte, jer ne može se izvođaču reći, nije nama Kanton platio. Još nismo dobili iz Kantona ta sredstva kao namjenska sredstva. Gore je kaos, onda se ta namjenska sredstva koriste za premoštavanje finansijske situacije i ja svaki dan i svi mi zovemo gore i molimo da nam i ono što smo završili projekte daju pare i još nisu realizovana. Tako da znate i gore je kriza, manje prihoda i sad pokušavaju prije svega da isfinansiraju ono što je najnužnije, pa onda ostalo. EIB banka evo pričao sam o tome, sad su se svi digli da pokušaju to ubrzati. Neke općine koje su ušle u to prije 3-4 godine, tek sad dolaze na red. Mi očekujemo da ćemo evo i kad nam je bio premijer i predstavnik Evropske banke imali smo sastanke, da će se ovo ubrzati i da krene realizacija. Nama to treba zbog ovih vodovoda, prije svega. Ovo što nije realizovano, evo neko je rekao, mi bi drugačije. Nema dovoljno para i negdje se treba kresati. Je li to najbolje što smo na ovoj stavci ili na onoj, mogli smo i drugačije. I ova probijanja kod nekih kapitalnih projekata, imat ćete priliku nekad se upustiti u detalje. Mi raspišemo, evo kao što smo za vodovod u Lohinji, u Vranovićima, pa ne znam puteve, koje god hoćete, za ono što ste predračunom predvidjeli i dobijete sasvim drugi iznos u procedurama. I kad hoćete da odustanete od dijela, izvođač je ponudio cijenu i ne može se sad reći nećemo mi raditi 30.000,00 nego ćemo raditi za 20.000,00 KM, pa ako hoćeš. Ili moramo sve iz početka. Zato bi dobro bilo, iako je to teško postići, da radimo cjelovito jedan projekat, da uradimo tih 300 m, ne 250m pa nam se tih 50 m pojavi. Zbog toga se probije. I vjerujte, koliko god hoćete napadajte mene kad je to u pitanju, nije to kilogram jabuka i on je 5,00 KM, pojavi se fali 20 m puta, kako to sada zaustaviti. Ko je taj ko će reći neće se raditi i ostavite tih 20 m. To je nešto što i meni smeta. Ja sam jednom prilikom i Gadžiću čini mi se rekao, ja bih naj sretniji bio kad imamo 2.000,00, a treba vam još korak jedan. Ne može, živa je to materija i oni nisu rezultat ničije histserije, nećijih želja da bi nešto naproavio više nego što jeste. Evo ova četiti zadnja pitanja, dakle generalno ćete dobiti u Izvještaju o izvršenju i ovo što tražite sa detaljima i onda ćete moći procjenjivati je li to najbolje. Pardon još džamija Lukavica. Mi ne možemo dobiti od Zavoda za zaštitu spomenika koji radi projekat i nisu još završili projekat. Pare prebacujemo iz

jedne godine u drugu i evo njih na računu. Znae koliko smo dugo radili za džamiju Soko. Tri-četiri godine pa zaboli i vas glava, mene najviše jer ja sam evo duže tu. Samo zbog toga što oni mogu samo to raditi, oni daju saglasnost, oni projektuju, mi oko toga nemamo ništa. Evo mučimo se sa bosanskom kućom Mare Popović, dobili i pare u budžetu i teško je završiti te procedure, to je nevjerovatno. Ova četiri pitanja iz Trnovaca, za vodovod, vodovod će biti sredstva za nabavku cijevi tih 10.000,00 KM će biti realizovano. Što nije most. Nije bilo aktivnosti odozgo i valjalo je negdje skidati i usaglašavati, a tako i za nekoliko spomen-obilježja, pa ćemo predvidjeti u sljedećoj godini. Poligon Doborovci, nisu se stekli uslovi. Ono gore je klizište, treba prvo sanirati klizište. Predvidjeli smo eno u sljedećoj godini ta sredstva za taj poligon. Treba gore poligon. Gore nismo ni realizovali zbog vaše informacije jedan put, čini mi se Avdići se zove. Završene procedure, izvođač otišao i krenuo raditi, digao se narod i pitao šta radite odozgo, treba odozdo i nije se moglo dogovoriti i izvođač je digao ruke. I mi smo izlazili gore, nisu se mogli usaglasiti odakle, da li od džamije prema dole, ili odozdo prema gore, ne možemo čitavu završiti. Tako da smo i taj dio prenijeli, a potpisan ugovor. Evo ja još jednom kažem da ćete zaista detalje dobiti uz Izvještaj o izvršenju budžeta.“

Hasan Puškar:

„Znači, opet nisam ja dobio odgovor na sva pitanja. Samo da malo za most repliciram. Most je bio prioritet Komisije za budžet i koliko se ja sjećam da se uradi i da se na njega postave zaštitne ograde. Ima stav Komisije za budžet, da bude prioritet u budžetu, most u Trnovcima, Škrahovici i kako se ja sjećam dobro, bio je prioritet. Niste mi odgovorili za Odluku o izvršavanju budžeta, član 17. Znači moraju li se poštovati odluke ili ne. Šta je sa sredstvima građana MZ-e Soko. A ovi što su odjavili firme ili obrti, nije bitno, oni su ionako morali uplatiti komunalnu taksu kad se odjavljuju. Znači oni su morali platiti taksu prije nego što odjave. Znam iz iskustva. I za vozilo MUP-a nema odgovora.“

Općinski načelnik:

„Evo vozilo MUP-a, mi smo uzeli vozilo i prenijeli jedan dio na službu, a znate da je došlo do prodaje naših vozila. Dakle, prenijeli smo Odlukom. Što se tiče sredstava građana, uplaćena su sredstva i ona su u ovih 190.000,00 KM. Još uvijek su žalbe za Soko. Neki su odustali, Fudo FAB je odustao, ne znam iz kojih razloga, ali ima neka firma iz Lukavca nije i još se vode u uredu za žalbe procedure po raspisanom tenderu u kojem su i sredstva građana. Sredstva građana su namjenska ona ne mogu nigdje. Završit će se procedure ili će biti poništeno, ili će ostati ugovor. Mi sredstva možemo uvijek vratiti, a dio su onih 20% što treba da građani obezbijede. Evo da i ja pogledam taj član 17. Samo u dva slučaja nije ispoštovano, a to sam govorio na drugim klubovima da smo prevareni za vodovod Donja Lohinja i vodovod Vranovići. Provedene procedure za bazene, vrijednost je tamo osamdeset i nešto i u toku radova, deset do dvadeset put se zvalo, dajte uplatite, dajte. Razmišljali smo da li u ovo vrijeme stati da ne završite bazen. Nismo, ja sam smatrao da bi došlo do velikih problema ili propadanje sredstava. Završili smo, a evo vidite da u nacrtu budžeta za sljedeću godinu nema ni Vranovića ni Donje Lohinje, jer gotovo po sto hiljada su na ove projekte potrošili.“

Hasan Puškar:

„Znači građani MZ-e Soko su uložili neki procenat sredstava, poštujem kako je rečeno i projekat nije ostvaren. Kad uzmem matematički proračun kapitalnih ulaganja iz budžeta. Uslov je bio za realizaciju projekta da građani polože 20%, nakon potpisivanja ugovora. Gdje god nije potpisan ugovor, odnosno gdje nije položeno 20% sredstava građana, nije trebalo krećati sa projektom. Znači oni što su sredstva položili nije im urađeno, a urađeno je onim što nisu položili. Po meni je to kršenje Odluke o izvršenju budžeta. Sad opet uzimam Soko, ja znam tačno za šta je položeno a za šta nije, ali da ne nabrajam ovdje. Ako treba to mogu na sljedećoj tački. A član 17. odluke o izvršavanju budžeta, načelniče kaže, a govorim to godinama: „Sredstva planirana u okviru kapitalnih projekata namijenjena za vodosnabdijevanje mogu se koristiti samo za vodovode koji su predati na upravljanje MZ-a ili drugim pravnim licima“. Znači ja odgovorno tvrdim ovdje da Vi sredstva ulažete u MZ-e čiji vodovodi nisu na upravljanju da se sredstva iz budžeta ulažu

grupama građana, nekim tamo 10-20-30 kuća, a mi kao što je MZ-a Soko koji od 1987. godine vodovodom upravlja, mi iz budžeta ne možemo dobiti ništa za vodovodogradnju, godinama. Zato ja potenciram član 17. Odluke o izvršenju budžeta. Znači gdje upravlja vodovodom MZ-a i gdje su ispoštovani svi uslovi mi možemo dobiti sredstva. To je godinama. A ako treba nabrojati ću MZ-e gdje vodovodima upravljaju MZ-e, a gdje ne upravljaju. I to dobijaju po stotine hiljada. Ja ću donijeti sve zapisnike da vam ukažem na to. I prošli budžet ja isto tako znači, odgovorno tvrdim to da se protupravno ulažu pare i ne smije se Odluka kršiti. Zato sam pitao je li se Odluka mora poštovati ili ne mora. Može se ne poštovati jedan dio, ali ne može se pet MZ-a po 100.000,00 uložiti, a vodovodom upravlja grupa građana, koje se svađa koja nema brojila itd. i tome slično. Evo primjer Osman, Babićima ne upravlja vodovod ni MZ-a, ne upravlja Vranovićima. Pa donesite odluke pa neka odgovara taj iz MZ-e koji je potpisao. Znači tim vodovodima sigurno ne upravlja VMZ-e, a ako je neko potpisao Odluku da upravlja neka odgovara. Donesite nam te odluke pa sada kad se bude pravio budžet da vidimo i neka odgovaraju oni koji su donijeli lažne papire. A evo sad ćemo provjeriti, idemo sad u MZ-u Soko i ima čovjek koji vodi uredno svesku sa svim korisnicima vode. Hajmo, sad u ove MZ-e i da vidimo spisak korisnika, kad je zadnji put naplaćena voda. Evo sad odmah idemo, nema sutra. Sad evo inspekciju angažujte odmah odavde Muhibiju, Sameda i ostale i neka idu predsjedniku MZ-e po spisak građana koji upravljaju vodovodom. Ne sutra, danas i naložite da se donesu spiskovi. Evo ja ću za Soko sad za pola sata donijeti ovdje, oko 500 korisnika brojila sve imenom i prezimenom kad je platio, kad nije itd. Znači ja ovdje odgovorno tvrdim da se krši Odluka i to govorim godinama, a mi što imamo pod upravljanjem, zapostavljeni smo godinama. U nacrtu budžeta za sljedeću godinu opet Sokola nema, ni u vodi ni u igralištu, niučem, niučem. Zašto? Da mi se odgovori zašto? Ovo će sve biti izglasano. Ja očekujem od kolege Topčagića da ne podrži ovo izvršenje budžeta. Očekujem od ljudi koji normalno razmišljaju da ne podrže jer zašto smo mi kažnjeni, ne samo Soko, njega uzimam za primjer jer poznajem situaciju. Mi koji imamo vodovode na upravljanju nismo nikad godinama dobili ni banke, a oni koji ga nemaju godinama njima se daje i krši Odluka i član 17. Kažete ostatak će sredstva građana, onih 30.000,00 KM i trebaju ostati ta sredstva u budžetu. Ali u ovoj odluci nisam sad pročitao da moraju sredstva biti u nacrtu odluke. Nisam pročitao da je uslov za dobijanje sredstava procenat od građana, kao što je bio uslov prošle godine. Znači ponovo podvlačim, da bi se moje tvrdnje obistinile Vi sad angažujte dva Vaša komunalna i građevinska inspektora da pozovu predsjednike VMZ-a i da dostave spisak, odnosno korisnike vode svih MZ-a u roku od tri sata. Hoću da znam zašto se ne poštuje član 17. ako je neko dao lažne podatke neka odgovara.“

Općinski načelnik:

„Ne može se porediti Gračanica, Soko i Druge MZ-e koje imaju vodu. Ljudi su žedni u Vranovićima, žedni u Donjoj Lohinji, žedni svugdje. I prema tome, mi šta ovdje zacrtamo, koliko je predviđeno za Soko to je realnost, ili za Babiće. Svaka priča, što nema Sokola, evo imate nacrt budžeta recite u onim sredstvima gdje ćete ih rasporediti. Evo vi, ostanite sami tamo kad bude, rasporedite toliko para koliko ima. Dakle, ne može se sve zadovoljiti. Hvala Bogu Soko ima vode. Vidite šta je s Babićima, vidite šta je sa Donjom Orahovicom. Evo hvala Bogu sad je ima, sa Donjom Lohinjom. Krenuli da riješimo i to je razlog. Najlakše je reći nisu uplatili. Šta bi se desilo da krenu sve procedure u junu mjesecu. Kad bi se završile. Evo problem je ovaj član, pokazao se problem ljudi nisu pripremili. Ja ću predložiti u javnoj raspravi da se briše to 20% učešća. Mi smo to htjeli da uozbiljimo ljude, to nije obaveza, ali vjerujte ljudi nemaju vode. I grupa građana nema vode, žedna je, gore je 300 ljudi. Valja obezbijediti.“

Predsjedavajući Vijeća je upozorio da je tema Odluka o izmjenama i dopunama budžeta Općine Gračanica za 2012.

Hasan Puškar:

„Predsjedavajući Vijeća, pošto je ovo izmjena i dopuna budžeta ja postavljam pitanje konkretno. Pri izvršenju budžeta, znači propratni akt za budžet je Odluka o izvršavanju budžeta. Ja ovdje ne kažem da je načelnik kriv. Ako je neko donio papire, a svi smo morali dostaviti znači

odluke i spiskove je li vodovod pod upravljanjem ili nije. Evo vjerovatno kolega Osmanović i Hasić znaju. Ja tražim ovdje sad da načelnik poduzme sljedeće, da ne kažem da načelnik nije ispoštovao. Ako mu je neko donio podatke da načelnik ujutro pošalje inspektor ali bolje sad i da nam ljudi donesu spiskove korisnika. Ja znam da se ulažu stotine hiljada, a šta mene briga je li ko žedan ili nije to nema veze sa ovim. Mi smo digli kredit od građana i radovi idu. To nema veze sa, je li neko žedan ili nije. Radovi idu, sredstva nisu uložena i to je gotovo ko položio, položio, ko nij, nije. Da kažem, mene interesuje sljedeće. Ko ima vodovod pod upravljanjem VMZ-e ili nema samo to tražim. I u tome bi me i ti Vehide trebao podržati i ti Ibrahimite itd. Znači da jednom razjasnimo za sva vremena. Čiji je vodovod pod upravljanjem VMZ-e čiji nije. Ljudi su, ja vam kažem, predsjednici VMZ-a donosili odluku da je vodovod po upravljanjem a nije. Znači tražim samo da se ispoštuje član 17. a ovo 20% ko nije položio, to je gotovo, neće ni ispoštovati načelnice. To smo grešku napravili, najbolje je, ako Vi kažete brisati, brišite. Ako treba da uvedemo i 50% može. Ja sam za svoje projekte u Sokolu sve ulagao sredstva i 50 i 30 i 20%, ja to poštujem. Ja ne bih nikad dozvolio da se nekom nešto radi, a da ne dadne učešće, ali da to bude svugdje, a ne samo u jednim te istim. Znači da jednom ovo raspravimo jer smo u vodosnabdijevanje uložili milion maraka možda.“

Osman Sulejmanović:

„Obzirom da sam prozvan od kolege Hasana Puškara nastojat ću malo da objasnim. MZ-a Babići je preuzela zvanično vodovode. Međutim, grupa građana i dalje upravljaju fiksno. Vodomjere smo postavili u izgradnji je rezervoar. Izvršili rekonstrukciju gdje je općina učestvovala i građani učestvovali. I dalje smo kandidovali ovaj projekat za vodosnabdijevanje prema Općinskom vijeću. Istina ovo nije realizovano u prošloj godini zbog problema bušotine i slično. Sve spiskove imamo, imamo odbor koji se brine o vodama. Znači, ne možemo nešto uzeti od ljudi dok se ovo ne realizuje, dok se bušotina ne realizuje. Kad se bušotina realizuje, kad krenemo sa ovim projektom rješavanja do kraja, vodovod će biti u potpunosti na upravljanju kao u MZ-i Malešići, Orahovice i u Sokolu. Ljudi su žedni i ne možemo mi sad ovdje čekati da provedemo proceduru. Ne možemo od ljudi uzeti nešto što je sad trenutno njihovo, odnosno grupe građana. Toliko. Hvala.“

Na prijedlog predsjednika Kluba SDA Gadžić Rahima, data je pauza u trajanju od 10 minuta.

Nastavku sjednice prisustvuje 28 članova Vijeća. I dalje su odsutni Čamdžić Mirsad i Fehratović Hasan.

Predsjedavajući Vijeća je dao na izjašnjavaње Odluku o izmjenama i dopunama budžeta Općine Gračanica za 2012. godinu.

„ZA“ je glasalo 17 članova Vijeća, a 11 je „SUZDRŽANO“.

Hasan Puškar je izrazio sumnju u rezultate glasanje.

Poimeničnim glasanjem konstatovano je da je „ZA“ glasalo 17 članova Vijeća, a 11 je „SUZDRŽANO“.

Konstatovano je da je Odluka o izmjenama i dopunama budžeta Općine Gračanica za 2012. godinu usvojena sa 17 glasova „ZA“ i 11 je „SUZDRŽANO“.

Predsjedavajući Vijeća je na zahtjev grupe vijećnika dao pauzu do 14.00 sati.

Nastavku sjednice prisustvuje 27 članova Vijeća. Odsutni su: Fehratović Hasan, Čamdžić Mirsad i Gadžić Rahim.

## **TAČKA 2:**

NACRT-BUDŽET OPĆINE GRAČANICA ZA 2013. GODINU



Uvodno obrazloženje po drugoj tački dnevnog reda dao je Općinski načelnik Nusret Helić: “Poštovani predsjedavajući, uvaženi vijećnici, saradnici, gosti i mediji,

Kod projekcije budžeta za 2013. godinu pošli smo od smjernica i ciljeva fiskalne politike Ministarstva finansija TK-a u kojima su predložene projekcije prihoda po općinama od inidirektnih poreza i poreza na dohodak, te od rebalansa budžeta za 2012. godinu, kao i procjena ostvarenja prihoda do kraja godine.

Imali smo u vidu i procijenjene tekuće grantove viših nivoa vlasti, kao i moguća odobrena sredstva za kandidovane projekte prema fondovima za koje smo aplicirali već sad.

Prema nacrtu planiran je budžet u iznosu od 11.505.000 KM, a sastoji se od :

- Viška prohoda prethodne godine 190.000 KM
- Prihoda 10.160.000,00 KM
- Primitaka 1.155.000 KM
- Izdataka 10.807.000 KM
- Otplata duga 698.000 KM.

Kao što rekoh, ukupni prihodi iznose 10.160.000 KM i veći su u odnosu na rebalans za 1.420.000 KM.

Povećanje se odnosi na sredstva za toplifikaciju od milion maraka, za koga evo sutra ili prekosutra treba potpisati ugovor, kao i neka namjenska sredstva-grantove viših nivoa vlasti i drugih institucija.

Iz dostavljenih materijala i obrazloženja mogli ste vidjeti o kojim se prihodima radi i koliki su u odnosu na 2012. godinu.

Oni su dosta realno planirani i nije moguće u daljoj fazi postupka usvajanja budžeta računati na njihovo povećanje, kad su u pitanju prihodi.

Čak projekcije koje su došle nakon slanja materijala za Vijeće predviđaju nova smanjenja. Pogotovo, što počinje vraćanje kredita MMF-a, a poznato je da se on vraća sa računa PDV-a i da ga praktično i mi vraćamo, a da nas ništa niko nije pitao.

Višak prihoda po rebalansu u iznosu od 190.000 KM, su namjenska nerealizovana sredstva u 2012. godini.

Izdaci sa otplatom duga planirani su u iznosu od 11.505.000 KM, što je u odnosu na 2012. godinu manje za 1.256.000 KM.

- Tekući izdaci iznose 7.290.000 KM ili 63,36 %
- Kapitalni izdaci 3.517.000 ili 30,57 %
- Otplata duga 698.000 KM ili 6,07 %.

Tekući izdaci-rashodi, odnose se na:

1. Plaće i naknade troškova zaposlenih i vijećnika 2.832.000

KM ili 24,62 %. Evo kad je u pitanju ovaj procenat može se vidjeti da kad su u pitanju plate uposlenih da smo jedna od najracionalnijih općina a pogledajte i druge općine i vidjet ćete da li ima igdje da je to do 25%.

2. Doprinosi 232.000 KM ili 2,04%.

3. Izdaci za materijalne troškove

(putni troškovi, izdaci za energiju i rasvjetu, komunalne usluge, zimsku službu, nabavku materijala, prevoz i gorivo, tekuće održavanje, ugovorene usluge i dr.)  
iznose 1.821.000 KM ili 15,83 %.

4. Tekući grantovi (MZ, jednokratne pomoći, penzioneri, prognana i izbjegla lica, stipendiranje učenika i studenata, grant za obrazovanje, stambeno zbrinjavanje, volonteri, boračke organizacije, političke stranke, savez, sport, kultura, sajmovi, podsticaji u poljoprivredi i dr.) iznose 1.445.000 KM ili 12,56 %.

5. Izdaci za kamate 110.000 KM ili 0,96 %.

6. Doznake vanjskim korisnicima 750.000 KM ili 6,52 %.

Kapitalni izdaci se odnose na:

1. Kapitalni grantovi drugim nivoima vlasti (toplifikacija, vjerski objekti, krov BKC-a i sanacija zaštićenih spomenika) iznose 1.115.000 KM ili 9,69 %.

2. Nabavka zemljišta (vodovodi: Babići, D.Orahovica, Lukavica, G.Doborovci, Rašljeva, Džakule, Malešići i Škahovica) iznose 433.000 KM.

3. Nabavka građevina (izgradnja javne rasvjete, nova zgrada Općine, regulacija Sokoluše, bosanska kuća, spomen obilježja, unapređenje poljoprivrednog zemljišta, poligoni Buk i G.Doborovci) iznose 525.000 KM ili 4,56 %.

4. Nabavka opreme (informacioni sistem, Civilna zaštita, protiv gradna zaštita, motorno vozilo) iznosi 324.000 KM ili 2,82 %.

5. Nabavka stalnih sredstava u obliku prava (softveri, licence, prostorni i regulacioni plan, digitalizacija u katastru) iznose 115.000 KM ili 1 %.

6. Rekonstrukcija i investiciona održavanja, odnosi se uglavnom na asfaltiranje puteva. Među njima su ugovoreni, a nezavršeni putevi u Sokolu, D.Orahovici, G.Doborovcima, kao i put Drijenča-Lendići i Kozarića sokak (pored Feringa) namjenska sredstva Federalnog ministarstva prometa i komunikacija GSM licenca.

Sve druge podatke i pojašnjenja imate u materijalu.

Pretpostavljam da mnogi nisu zadovoljni sa prijedlogom, nisam ni ja najzadovoljniji. Trebamo imati na umu da je manje prihoda, da dospijeva i otplata kredita i da će 2013. godina biti sigurno jedna od najtežih budžetskih godina, ne samo na lokalnom nivou, evo vidite šta se dešava i na višim nivoima, uslijedit će rebalansi zbog stavki koje su zbog MMF-a na taj način brzo usvojene.

Svi eventualni prijedlozi mogu se rješavati unutar planiranih prihoda.

Predlažem da se nakon razmatranja nacrt usvoji i da do 20. decembra traje javna rasprava, kako bi do kraja godine usvojili budžet, kao što su usvojili i drugi nivoi, kako bismo krenuli lakše u realizaciju vodeći računa da se prilagođavamo ostvarenju prihoda. Svako drugačije rješenje i privremeno finansiranje bi nas odvelo možda u neke dubioze jer bi tad imali pravo trošiti nešto što nemamo. Evo toliko.”

U toku izlaganja Općinskog načelnika, sjednici je pristupio i Gadžić Rahim pa je prisutno ponovo 28 članova Vijeća.

Učesnici u diskusiji po drugoj tački dnevnog reda su:

Krajinović Nihad:

“Klub vijećnika SDP-a shodno ekonomskoj situaciji kakva jeste, prihvata predloženi Nacrt Budžeta Općine Gračanica za 2013. godinu, uz eventualne korekcije tokom javne rasprave na nacrt narednih dana, uz samo jedan prijedlog službi koja priprema materijal da pripremajući tabelu uvrsti kolonu budžet 2012. radi poređenja.”

Rahim Gadžić:

“Razmatrajući Nacrt Budžeta za 2013. godinu nisam mogao da odmah ne primijetim bitanu stvar. Ovdje imamo kapitalni izdaci u budžetu za 2013. godinu iznose 3.517.000,00 KM. Kad pogledamo njegovu analitiku vidimo da se ovde nešto zanimljivo desilo. Desilo se zanimljivo da imamo jedno područje, znači MZ-e Prijekog Brda, Trnovaca i Džakula, gdje od 3.517.000,00 KM samo ima 13.000,00 KM u Džakulama za vodovod. Ja ću jednu činjenicu reći, možda će se neko malo i nasmijati, a i treba da se nasmije. Da nije kojim slučajem se zamislilo da to područje treba pripojiti Gradačcu jer prelazimo preko Monja pa nas nema u budžetu. Vidim ipak da tri MZ-e, znači na jednom potezu tri MZ-e jedna do druge, šta se desilo da od 3.517.000,00 KM samo sa 13.000,00 KM da se nađu u budžetu ovom. Ja mislim da to nije dobro. Iz tog razloga iznijet ću nekoliko primjedbi načelniku na razmatranje. Da se planiraju sredstva u budžetu za asfaltiranje puteva u Prijekom Brdu jer svi znamo da je u MZ-i Prijeko Brdo najmanje asfaltirano puteva.

Znači samo imamo jedan zaseok, to je put prema Jahićima koji nije dozavršen. Imamo još na potezu prema zaseoku Straševići, Okići i Šarići. Nijedan drugi zaseok nije asfaltiran u Prijekom Brdu, a u biti druge MZ-e pogledajte i vidjet ćete da su skoro svi zaseoci asfaltirani. Zatim imamo

nedovršene vodovode. Ne mogu a da ne spomenem, gradi se bazen na vodovodu Sijedi krš, nažalost Općinski načelnik, općinske službe su zaboravile da ima u MZ-i predsjednik MZ-e koga su zaobišli, nemam ništa protiv, neka se gradi i treba da se gradi, ali tražim ubuduće da se poštuju institucije MZ-e jer ni u jednom potezu niko nije spomenuo MZ-u Prijeko Brdo. Tačno je da je zadužena osoba koja je ispred MZ-e za vodovod Sijedi krš i preko njega određuju sve te poslove. Podesilo se da je ta osoba SDP-ov predsjednik u Prijekom Brdu i samo se koordinira sa tom osobom, a VMZ-e ne postoji. Zamolio bih da ubuduće u bilo kojim projektima ako se neće poštovati VMZ-e i institucije MZ-e, da ja kao predsjednik VMZ-e ne trebam ići tragati koliko košta ugovor za vodovod, ja treba da znam, da sam obaviješten. Raspisan je tender, ugovor će se sklopiti za izgradnju tog vodovoda. Mi smo tražili, VMZ-e, na prošlom budžetu i stavili primjedbu da je malo sredstava za taj vodovod i povećalo se sa 10.000,00 KM na 20.000,00 KM. Znači Vijeće je tražilo ta sredstva. Kad je došlo do realizacije više Vijeće ne treba, mogu pojedinci raditi. Zamolio bih sve službe i načelnika da se poštuju institucije isto kao što se poštuje Kanton i Federacija. Ni jedan dinar se ne može utrošiti bez Općine. Znači bilo kakva sredstva iz Kantona i Federacije koja se usmjeravaju prema bilo kome, znači ide Općina pa onda ide prema MZ-i. Kad je u pitanje MZ-a Džakule, to je MZ-a koja nema uređenog društvenog doma, da se planiraju sredstva za uređenje društvenog doma u MZ-i Džakule. Zatim da se planiraju sredstva i za puteve u MZ-i Džakule. Oni imaju neasfaltiran put prema zaseoku Selo koje se zove u MZ-i Džakule. Što se tiče MZ-e Trnovci, ima tu Senad pa će on izaći i vjerovatno nešto predložiti za Trnovce. Kad su u pitanju Gornji Doborovci. Gornji Doborovci su specifična MZ-a koja u zadnje vrijeme jako slabo realizuje projekte općinskim budžetom. Igrom slučaja kolega na poslu s kojim ja radim, je predsjednik VMZ-e Gornji Doborovci, Rukib Džananović. Ja bih zamolio, pošto su oni evo vidim u rebalansu budžeta, da ti projekti dođu do realizacije. Ipak ta MZ-a je nova MZ-a, koja se odvojila od Donjih Doborovaca, ima nerazriješenih niz problema. Imaju vodovod, puteve, neizgrađeno spomen-obilježje, poligon, znači da se tim MZ-a koje su malo bile zapostavljene u budžetu, da se u narednom budžetu prvo one planiraju i da idu njihovi projekti u realizaciju. Vjerovatno ćemo u toku javne rasprave i nakon sastanka VMZ-e uputiti ponovo primjedbe na Nacrt Budžeta i nadamo se da će se i ove tri MZ-e naći u budžetu za narednu godinu.”

Safet Pjanić:

“Evo ja sam prvi put pred govornicom i pred sobom imamo zaista veoma važan dokument, Nacrt Budžeta i Klub BPS-a neće se danas izjašnjavati o usvajanju ili ne, samo će reći da želimo da za ovaj budžet kroz javnu raspravu i na druge načine dođemo do što je moguće boljeg i realnijeg i budžeta koji se može izvršiti. Moram da kažem i to da mi nismo učestvovali u izradi ovog budžeta, da jesmo možda bi on bio i malo drugačiji ali za razliku od toga mi ćemo putem svojih amandmana i svojih prijedloga zaista doći do toga da ono što smo rekli i prije izbora i na samim izvorima, da se zalažemo za jedan uravnotežen razvoj općine, jedan potpuni balans općine i to ćemo nastojati da putem naših amandmana uđe u budžet, sve u okviru sredstava, odnosno sve što ovaj budžet može da podnese. Mi jesmo dio parlamentarne većine ali nismo u većini koja će manjkavosti koje možda ovaj budžet bude imao da to i izglasamo. Mi ćemo tražiti ono zašto smo se zalagali prije ovog, a to je da sve naše MZ-e budu adekvatno nagrađene, a prema tome da li su one velike ili male o tome je rano govoriti jer je ovo nacrt, a svi građani moraju da osjete budžet Općine Gračanica i da znamo zašto su oni za nas glasali. Na kraju samo da kažem da u prihodima o kojima ste ovdje vrlo malo govorili ćemo sigurno dostaviti puno primjedbi jer uglavnom svi idu na rashodovnu stranu. Ja vam kažem da se ima šta govoriti i u prihodovnoj strani i da ćemo, odnosno prihodima ne možemo da upravljamo ali možemo tražiti nove izvore prihoda, a rashodima upravljamo mi, upravlja načelnik i oni su znači isfabrikovani i projektovani i samo treba znači biti dobar menadžer. Moja primjedba je takođe da se uvrsti kolona budžet 2012. godine, što je preložio kolega Krajinović, koja će sama reći puno više.”

Fadil Mešić:

“Gospodine načelniče, ako možete malo pribilježiti da mi odgovorite. Počet ću od stavke donacije za Gračanicu. Tamo je predviđeno 20.000,00 KM. Imam jedan primjer Općine Gradačac, vrlo poučan. Oni su nedavno za donaciju od 500.000,00 KM dobili iz Turske za adaptaciju

biblioteke. Kod nas je to planirano 20.000,00 KM. Zatim da pojasnite na kodu 613 999 Ekologija, 200.000,00 KM. O čemu se radi. Skratit ću pošto su kolege već iznijele. Zašto nema granta za Preporod. Tamo ste svima dali, ovdje nema ni marke. Bar da se planira 2.000,00 KM, da kroz organizacije promocija raznoraznih knjiga autor knjige iz Sarajeva ne bude u prilici da sam sebi plaća kafu i ručak. Komunalne takse na istaknute firme smo već govorili. Dalje, dionica Podgaj kad će načelnik asfaltirati to je u dužini od 120 m, tu ne trebaju velika sredstva, a tamo živi preko 80% penzionera. Sanacija dionice puta Drijenča-Lendići 116.000,00. Znam na šta se ovdje misli. Ovu stavku bi trebalo povećati jer mi gore najviše trpimo zbog ova dva kamenoloma što ja nemam ništa protiv, ali je put u vrlo lošem stanju i treba ići na najmanje do 150.000,00. Zaista je put stradao, evo imamo još dio gdje izvođači i ne pokušavaju da poprave. Zatim, ovdje ne znam na šta ste mislili, rekonstrukcija puta Gračanica-Lendići-Kamenolom. Da li se ovdje misli na već urađeni put ili na ovu dionicu, gore kako se zove, Svilena bašča, taj dio koji je ostao neuradjen, a ovaj dio prema bosninoj prodavnici to je dio što je skoro urađen pa eto tu se može. I ovdje bih Vam predložio kod 614 311 ostalo iz oblasti kulture, evo imate 3.000,00 KM i to možete slobodno dati Preporodu. Bilo bi pošteno, neka i oni imaju.”

Hasan Puškar:

“Ja nisam tamo našao ili nisam vidio. U budžetu za 2013. godinu nema prihoda od građana ili ja nisam vidio. Ja ih nisam našao. Znači ne planiramo učešće građana u budžetu. Drugo, želio bih da se uvrsti stavka za kupovinu zemljišta za poligon u Babićima, naselje Mustafići ili Omerbašići. Treba objasniti. Babići su podijeljeni u dvije strane pa u lijevoj tamo strani većina stanovništva gravitira i po meni bi trebao poligon, a i građani imaju već nekoliko ideja za kupovinu zemljišta i mislim da bi i mi kao Općinsko vijeće trebali to podržati, pošto izdvajamo pare za sport. Da se jednom ova tri pojma objasne-razjasne. Šta je sanacija, šta izgradnja, a šta rekonstrukcija? Ne može biti izgradnja nečega, sanacija i rekonstrukcija, obnova puteva i tako to. Je li igra riječi ili to nije. Mislim da se to svjesno tako stavlja. Sljedeća je primjedba, smanjena su sredstva za rad VMZ-a za 20%. Zašto? A ponovo je povećano sredstava za sport. Da ne ponavljam onu priču, mogao bih ovdje deset minuta pričati. Ako su prenešena sredstva iz ove godine u 2013. godine, zašto nije prenesena i rekonstrukcija doma u Sokolu. I još jedna je primjedba, većina je MZ-a koje su probila sredstva kredita 2. 200.000,00 KM i uvršetna je ponovo u budžet. A to je, ja mislim sedam MZ-a. A MZ-e koje nisu bile uvrštene u kredit, ponovo istih nema u budžetu za 2013. godine. Znači trebalo bi malo to da se balansira. I može li, pošto se te stavke non-stop ponavljaju u budžetima, pratim budžet evo osam godina. Koliko je uloženo para ako nije tajna, a mislim da bi mi ovdje trebali znati, za proteklih osam godina za izgradnju doma u Babićima i koliko je uloženo para za put prema Malešićima, znači do kamenoloma gore negdje, u budžetima za protekle četiri godine jer bi za taj put ja mogao naći poređenje sa Dodikovim autoputem. Svake godine a nikad se završiti, a svake godine se stotine hiljada odvajaju. Znači de da jednom, evo sad ovdje ponovo da se zadužimo i dajte da taj put više završimo. Put treba svima nama, a nemojte da po pedeset ili po sto hiljada ulažemo. To je jedini put koji je ostao i nije završen. Hajde da skidamo sa drugih MZ-a, a dajte da se taj put više završi ili ako treba opet dignuti kredit, nije tu još puno ostalo, a sa sto hiljada mi ćemo to završiti gore do pola brda i opet nikud nismo stigli. Evo ja predlažem ovu inicijativu ili da se uvrsti u budžet ili načelniče da dignemo još jedan kredit, to nije puno, ali da više taj put stvarno završimo i da na istom postavimo za neko opterećenje vozila, neke znakove, da ograničimo kretanje tih vozila da ne prelaze gabarit. I imam još jedno pitanje. Osamdeset hiljada putevi u Sokolu. Molio bih, tu su vjerovatno ova sredstva ako ostanu ova sredstva građana, to znači s tih trideset to je osamdeset, da se tačno i decidno napiše put taj i taj, sokak taj i taj, da se zna, da ne vodimo mi rat po Sokolu. Ionako naše odluke niko ne poštuje, prema tome molio bih da se napiše to i to i da završimo priču više. Za sada toliko, hvala.”

Almedin Devedžić:

“Evo ja bih zamolio gospodina načelnika da mi pojasni, nisam dobio odgovor u prethodnom mom obraćanju vezano za vodosnabdijevanje MZ-e Lukavica. U zadnjih četiri godine se ulaže u vodosnabdijevanje MZ-e Lukavica, zavisno dvadeset, trideset, evo prošle godine sedamdeset hiljada maraka koje se ne realizuju. To su bile dvije bušotine kako ja znam gdje nije

pronađena voda. Interesuje me i volio bih da mi načelnik objasni šta je planirao sa ovih 70.000,00 KM. Ovdje koristim priliku da kažem da je u MZ-i Lukavica zadnjih godinu dana, ne teška nego alarmantna situacija, kad je u pitanju vodosnabdijevanje. Mi smo jedna od onih MZ-a koja bukvalno nema šta da se napije. Jedini koji su riješili to pitanje vodosnabdijevanja je jedan mali dio Lukavice i koji je to riješio preko Općine Doboj Istok. Očigledno da je jedino rješenje preko Općine Doboj Istok, volio bih da načelnik malo objasni. Što se tiče ovih prijedloga volio bih da znam, pošto se VMZ nije sastalo zadnjih 3-4 mjeseca, kako je došlo do svih prijedloga i volio bih da se uključe svi građani MZ-e Lukavica, kako bi se zajednički riješio ovaj problem. Ponavljam, alarmantna je situacija i Lukavica je bukvalno žedna. Dalje, vidimo ovdje da je planirano i 35.000,00 KM za izgradnju, asfaltiranje puteva. Ja bih iskoristio priliku, kao kolega Puškar, da se kaže tačno koji su to putevi-putni pravci. Želim da ovdje kandidujem jedan putni pravac koji je stvarno prioritetan, koji veže dva dijela MZ-e i kojim se svakodnevno kreće veliki broj ljudi. A Vi dobro znate načelnice da je to tzv. Sokak koji veže dva dijela Lukavice u dužini 762 metra. Mislim da je on trenutno prioritetan pravac i volio bih da se u budžet uvrsti kod ove tačke, konkretno Sokak. Naravno i građani su spremni kako bi se taj put riješio. Napominjem da taj put najviše koriste djeca kada idu u Školu. Svaki dan po sto, stopešest učenika prolazi. Evo već sad je veliki problem i ne može se proći, a inače je obilaznica četiri kilometra glavnim putem. Znači, da se konkretno navede taj put Sokak-Ograđenica-Prnjavor. Dalje, vidim ovdje ima i rekonstrukcija određenih društvenih domova. Drago mi je što se i sljedeće godine radi na tome. Tu su Malešići, Gornja Orahovica i Babići, ako sam dobro vidio. I u rebalansu budžeta su takođe bili ako se ne varam i povukli su sredstva, evo Malešići 40.000,00KM, Gornja Orahovica 50.000,00 KM, Babići 20.000,00 KM. Znači i ove godine je nastavljeno sa tim trendom. Takođe želim da kažem da mi je drago, evo Malešići dobili 72.000,00, Gornja Orahovica još 15.000,00 i Babići 10.000,00 KM. Evo ja bih skrenuo pažnju načelniku ako postoji bilo kakva mogućnost da se napokn, kažem napokon planiraju sredstva da se, ako ništa drugo bar sanira krov. Mi imamo dom kulture, ustvari nemamo ga jer kisne, što bi bilo prioritetno. Naravno i u to bi se uključila MZ-a i građani kako bismo zajednički osposobili taj objekat. Evo ovdje vidim da nema ni sredstava koja su trenutno prioritetna, znači voda broj jedan, ali i putevi. Kad je u pitanju put Lukavica-Malešići, evo kolege iz Malešića stalno potenciraju taj put, i drago mi je evo i ja se pridružujem iz Lukavice, trebamo zajedničkim snagama da taj put napokon proglasimo regionalnim putem kako bi se skinuo teret sa održavanja i izgradnje općine Gračanica. Nadam se da je to, a to je govorio i kolega Mujo, u određenoj fazi, da će to biti završeno ali neka se ne ljute kolege iz Malešića, taj put nije samo do Malešića nego je i dalje do Lukavice. Međutim sada kada krenemo tim putem nevezano za ove zimske uvjete, ne možemo doći do Lukavice jer je put koji nas je u ratu spasio i koji je bio naš glavni put, nažalost ne može se proći ni konjskim kolima i zamolio bih da zajedničkim snagama pokušamo da odredimo ta sredstva kako bi se taj put, ako ništa drugo, doveo u prohodno stanje, da se uvede jedna autobuska linija. Znači vi da su Lukavica i Malešići povezani i prijateljski i komšijski. Veliki broj ima tih rodbinskih veza i ženidbenih veza i da bismo mi došli u Malešiće mi moramo da idemo preko Doboj Istoka i prelazimo tri puta veći put. Mislim da tu ne treba sredstava za početak, znači više od 60.000,00 KM kako bi se taj put očistio i doveo u saobraćajno prohodno stanje, naravno bila bi jedna autobuska linija. Nadam se da će i kolege iz Malešića pomoći tu inicijativu kako bi bilo to urađeno. Toliko, ja ću ove amandmane dati i u pisanom obliku.”

Esma Pašić:

“Što se tiče Nacrta Budežta Općine Gračanica za 2013. godinu željela bih da dam jedan prijedlog, a odnosi se na sljedeće. Cijeneći značaj i razvoj sporta u svakom društvu koji igra vrlo značajnu ulogu kao i trenutno stanje u kojem se nalazimo, predlažem da se u Nacrt Budžeta za 2013. godinu, planira izgradnja poligona malih sportova u naselju Hajdarovac i Ritašići u Gračanici. Kao što sam već prethodno navela izgradnjom poligona malih sportova u pomenutim naseljima, uključili bi što veći broj djece i punoljetnih mladih osoba u aktivno bavljenje sportom s ciljem daljeg razvoja sporta i promoviranja zdravog života. Takođe bih iskoristila priliku da pitam za sljedeće. Ovdje ne vidim da ima ekonomski kod ali se odnosi na rekonstrukciju puta u Pribavi. To je znači u nacrtu budžeta planirano u iznosu od 30.000,00 KM. Da li se to misli na onaj put koji spaja Ritašiće i Pribavu?”

Dino Dedić:

“Ovako, što se tiče Nacrta Budežta Općine Gračanica za 2013. godinu, smatram da prvo, kao što sam rekao, treba riješiti projekte koji su započeti u 2012. godini i da oni trebaju biti primarni cilj u ovoj godini. Znači prvo njih trebamo ostvariti. Takođe, planirana je velika budžetska rezerva od 100.000,00 KM. Ova rezerva se može upotrijebiti za neke projekte, evo da se završe neki projekti koji su već započeti u ovoj sadašnjoj godini. Tako jedan od projekata jeste završavanje puta, to je započet projekat, znači završavanje i asfaltiranje puta Doborovci-Pandurište. Ovaj put je veoma važan jer povezuje dva regionalna pravca, Srnice-Gračanica i Srebrenik-Gračanica. Ovaj put takođe koriste i stanovnici Džakula, Prijekog Brda, Buka, Trnovaca kako bi izašli u Posavinu ili je najkraći put do Tuzle i Srebrenika. Takođe, započeti projekat kanalizacije u Džakulama, naselje Rijeka. Planiran je iznos od 25.000,00 KM. Sredstva se mogu obezbijediti umanjnjem ove budžetske rezerve. Još ima nekih projekata koji se mogu završiti npr. Škahovica, imamo takvu situaciju gdje na početku i na kraju Škahovice imamo rasvjetu, a u središnjem dijelu nema uopšte rasvjete. Sa nekih deset do petnaest hiljada mogla bi se završiti i cijela glavna ulica u Škahovici bi bila završena rasvjeta. Još jedan prijedlog je, pošto sam mlad mogu vam reći i ovo. U Škahovici je osnovan fudbalski klub. Klub u kojem igraju djeca iz Škahovice, momci iz Babića, iz Sokola, iz Piskavice i to je jedno od najljepših druženja koje ima omladina u Škahovici. Problem je taj što mi nemamo sredstva da kupimo zemljište za poligon, da možemo za početak naći neka sredstva da se izdvoje kako bi se taj projekat uskoro realizovao.”

Senad Selimović:

“Predlažem da se u Nacrtu budžeta Općine Gračanica za 2013. godinu uvrste:

- izgradnja mosta u Trnvcima, jer je u jako lošem stanju gore most i prema tome čim prije treba da se radi,
- dovršetak vodovodne mreže u Trnvcima,
- izgradnja društvenog doma u Trnvcima,
- asfaltiranje puta u dva zaseoka u Trnvcima,
- asfaltiranje puta Trnovci-Prokop koji povezuje Gračanicu i Gradačac, oni su svoj dio puta odradili ostaje nama da spojimo zajedno sa Prokopom tu relaciju asfaltom,
- dovršetak javne rasvjete u Trnvcima,
- ograđivanje sportskog poligona u Trnvcima.

Zatim, riješiti vodosnabdijevanje u Doborovcima i Gornjim Doborovcima, asfaltiranje puteva u pojedinim zaseocima u Doborovcima i Gornjim Doborovcima. Riješiti javnu rasvjetu u Doborovcima i Gornjim Doborovcima. Izgradnja spomen-obilježja u Gornjim Doborovcima, izgradnja sportskog poligona u Gornjim Doborovcima. MZ-a Piskavica, imam primjedbu na Nacrt Budžeta za 2013. godinu. U predloženom nacrtu budžeta za 2013. godinu MZ-a Piskavica nije uvrštena uopšte u budžet. Navodimo da u MZ-i Piskavica, pod jedan, asfaltiran je samo jedan zaseok, znači da ostaje 6-7 zaseoka koji uopšte nisu. Pod dva, ne postoji rasvjeta. Pod tri vodosnabdijevanje nije uopšte riješeno. Pod četiri, nije uopšte planirana rekonstrukcija sportskog poligona u Piskavici. I pod pet, možemo navesti da dom kulture u MZ-i Piskavica je sagrađen prije trideset godina i od tada do sada nije ništa ulagano što znači da krov prokišnjava. Evo, nadam se da ćete uvažiti ove primjedbe na Nacrt Budžeta Općine Gračanica za 2013. godinu.”

Mirza Omerdić:

“Ja sam evo imao potrebu da izađem za govornicu, a vezano je za MZ-u Stjepan Polje. U ovom nacrtu budžeta predviđeno je za Stjepan Polje 20.000,00 KM, a u prošlom izvršenju je negdje bilo oko 19.000,00 KM. Mi zaista u našoj MZ-i imamo par kapitalnih projekata koji su nam strašno neophodni, i ova sredstva svakako ne mogu biti dostatna pa čak ni da započnemo taj projekat. Radi se o projektu adaptacije i povećanja kapaciteta ambulante, što je u stvari za nas strateški jer imamo domen primarne zdravstvene zaštite i to nam je strašno neophodno. Drugi projekat jeste projekat povezivanja jednog dijela Stjepan Polja. Uvezivanje znači sa postojećom putnom infrastrukturom, a odnosi se na magistralni put, odnosno na puteve u MZ-i. U tom području imamo dvjesto domaćinstava koji nemaju adekvatan put. Znači, radi se o tkz. kolskom

putu. Značaj je, između ostalog, što povezuje magistralni put i na taj način bismo doveli dupli izlaz, odnosno ulaz u slučaju zakrčenja. S druge strane još jedan, vjerujem da je svima to veliki problem, a taj problem jeste zapošljavanje mladih ljudi. Mi sada trenutno, znači u našoj MZ-i, odnosno ovi naši poduzetnici imaju dosta razvojnih projekata i mogli bi zaposliti dosta ljudi, međutim sve je to nekako stalo zbog ove zabrane gradnje. Ja nisam siguran da li je to na općinskom nivou. Ukoliko je to na kantonalnom nivou i federalnom, znači zamolio bih načelnika i službe da to malo poguraju. Mi ćemo svakako u svojim amandmanima ugraditi naše razvojne projekte i velikim dijelom ćemo poraditi na zatvaranju te finansijske konstrukcije koja, da kažem, ne mora biti cjelokupna iz budžeta.”

Rukija Begović:

“Predlažem da se u budžet uvrsti rekonstrukcija krova na OŠ Soko, jer Ministarstvo nije odgovorilo datom zahtjevu. Vi znate da škola u Sokolu služi za sve kulturne i zabavne manifestacije i ako pustimo da nam prokišnjava i dalje, ostat ćemo i bez nje.”

Općinski načelnik, Nusret Helić je odgovorio na neke primjedbe i sugestije:

“Evo redom da dam neka pojašnjenja, iako ja na vašem mjestu bi isto ovako raspravljao. Ovo je sve opravdano, ali sad, kakve su mogućnosti. Evo neka pojašnjenja jer ima pitanja, a ovo sve ćemo imati u vidu, dakle u ovom periodu kad je rasprava. Bit će tu još i amandmana, tako da ćemo imati prilike da se i mi zajedno svi pripremimo da kažemo šta je moguće. Kad pričamo o projektima uvijek polazimo od iznosa za kapitalne i kažemo nema nas u projektima. Ako ćemo dijeliti sredstva po MZ-a, nije ni to dobro. Imamo neke prioritete u Planu kapitalnih investicija, Strategiji itd., a vi dolazite iz MZ-a i možda bih i ja tako pričao ali imajte uvijek na umu da ste vi vijećnici Općinskog vijeća i da valja u okviru raspoloživog naći najbolje rješenje. Ja sam rekao i kod rebalansa, evo skrojite kako god, a teško je skrojiti kad nema para a imaju potrebe i to realne. Ovo sve što ste iznijeli to su realne potrebe, da kažemo i želje. Ako se sjećate mi smo u Planu kapitalnih investicija tako radili. Iznijeli sve projekte koje ste kandidovali i sad imamo problema. Nismo svrstali spram mogućih sredstava koje imamo pet godina, pa imamo problema. Ali evo, voda, vodovodi. Tamo gdje su, evo govorim o Lukavici, dakle 70.000,00 KM je ono što je po kreditu. I ove druge MZ-e Malešići, Babići, Škahovica, nije realizovano po kreditu. Nismo završili ono što smo mislili pa se prenose ta sredstva. To su iz onih 2.200.000,00 KM i ne možete ni u šta drugo ni potrošiti. To je da znate, zbog čega Malešići, zbog čega Škahovica, zbog čega Lukavica. Lukavica je bila, neću reći izvjesna, ali čuli ste u ranijem sazivu Vijeća da je bio potpisan jedan sporazum i da su onda krenule ove halabuke oko izbora i onda je sve to stalo. Imamo i sad potpisan sporazum sa Općinskim načelnikom o tome da se rješava pitanje Lukavice iz Doboj Istoka. Doboj Istok ima ogromne količine vode. Mi smo neki dan bili kod načelnika, ustvari jedna ekipa i ja sam upozorio ako se ne dogovorimo, ima vode valja uložiti, mi obustavljamo deponovanje smeća na našoj deponiji. Sreća pojavila se druga alternativa za vodu iz Čivčija. Ja ne znam koliko ste vi čuli. Imaju ogromne količine, privatni je tamo vodovod. Dakle ima šanse da dovedemo vodu, što mene raduje. I tih 70.000,00 ako bude malo tražit ćemo za vodu kao i za ostale iz raznih izvora i rekli smo da nam je voda prioritet. Ekologija, ovo što je Mešić govorio. Znao kako planiramo sredstva. Mi smo aplicirali opet prema Ministarstvu i više apliciramo tako da širimo mrežu MZ-a kod kojih je isključivo organizovan odvoz smeća i nabavljamo mehanizaciju za “Komus” preko tog. Iz ovog smo nabavili buldozer koji radi na deponiji. U razgovoru sa Ministarstvom, procijenjeno je koliko sredstava iz Kantona za ekološke projekte. Dakle ovi su prihodi iz procjena iz dogovora, iz prethodne godine itd. Prihodi od građana jesu planirani tamo piše, od MZ-a 150.000,00, a možda nisi primijetio. Za rad VMZ-a manje nego sport, evo prilika je kroz ove primjedbe da vidimo šta možemo tu mijenjati. Koliko je uloženo u puteve prema Malešićima, Babići, samo kažem. Sticajem okolnosti prema Malešićima. To su duplo sredstva od onih kako radimo ove puteve. Tamo je po projektu čini mi se 13-14 cm asfalta. Radi se u dva sloja, to su ti standardi spram onih gore tereta tako da je to zaista velika investicija. Vidjet ćete u izvršenju budžeta za ovu dionicu koja je sada rađena, uz rješavanje potpornih zidova i vrijedi negdje oko 280.000,00 do 290.000,00 KM. Onih 20.000,00 KM se odnosi na popravku ove dvije, Svilena bašča i još nešto da riješimo bar, dok ne steknemo uslove da možemo uraditi

pravi asfalt. Ovo za puteve u Lukavici i Sokolu, tačno ćemo u raspravi reći koji su to. Za Soko, one raspisane procedure i znat će se ko su. Esma Pašić, planirati poligone, sve je to tako dobro, ako uspijemo. Rekonstrukcija puta u Pribavi odnosi se na presvlačenje dionice puta kroz centralni dio prema džamiji i prema novoj školi. Ovo što je nabrojao i vijećnik iz Trnovaca, kad bi mi uvrstili sve ovo što ste predložili nama bi trebao još jedan budžet, ali ćemo probati u okviru ove rasprave. Vjerujte, sjest ćemo zajedno, gdje god možemo, šta god možemo uraditi. Pokušat ćemo napraviti najbolje rješenje spram ovih prihoda. Budžetska rezerva se ne treba dirati. Vi znate ona treba da bude do 3% budžeta. Trebala je biti veća, mi nju držimo, a svaki put se desi nešto što je ekstremno, tako da ne bi smjeli nemati budžetske rezerve jer nas može zadesiti svašta. Evo i ovo, Stjepan Polje, Omerdić je iznio, jest 20.000,00 planirano, ali nije da je devetnaest u prošloj godini, u ovoj godini. Evo samo ću spomenuti izvršeno. Ambulanta, gotovo 30.000,00 KM, most preko 20.000,00 KM, klizište jedno blizu 30.000,00 KM, putevi 20.000,00 KM. Dakle jest da je možda malo spram veličine Stjepan Polja ili nečega, ali evo da znate da je to tako. Ovo za Preporod. Imaju stavke udruženja građana u okviru koje su svi. Preporod je dobio ove godine više nego 2.000,00 KM. Raspisujemo javni poziv, oni apliciraju i ostane dio sredstava koja idu prema potrebi i prema nekome. I Preporod se tretira kao udruženje, a prije par godina čini mi se Vijeće je tražilo da se KUD "Adem Alić" iz Gračanice, kao najstarije tradicionalno društvo, izdvoji na posebnu stavku i zbog toga smo njih izdvojili. Evo ja ću sve ove primjedbe razmotriti i pokušat ćemo u toku ove javne rasprave, imajući ovo u vidu i vjerovatno amandmane koje ćete dostaviti, da pokušamo uraditi to."

Hasan Puškar se ponovo javio za diskusiju:

"Kada smo krenuli u prošli mandat prije četiri godine rekli smo da ćemo se držati Plana kapitalnih investicija kod predlaganja, pa smo ga mijenjali. Međutim, ne držimo se tog plana. To je činjenica. Molio bih jedno pojašnjenje. Budžet za 2012. godinu je bio 12.571.000,00 KM, ustvari u rebalansu. Budžetska rezerva 70.000,00 KM. A budžet za 2013. godinu je manji za milion i dvjesto hiljada, a budžetska rezerva 100.000,00 KM. Na osnovu čega povećavamo budžetsku rezervu za 30.000,00 a budžet manji, a budžetsku rezervu pravimo matematičkim proračunom procentima."

Općinski načelnik je dao odgovor ne izlazeći za govornicu.

Nije bilo više učesnika u diskusiji, pa je predsjedavajući Vijeća definisao sljedeći zaključak:

- Usvaja se Nacrt Budžeta Općine Gračanica za 2013. godinu.

Nacrt Budžeta Općine Gračanica za 2013. godinu, stavlja se na javnu raspravu u trajanju do 20. decembra 2012. godine.

Javnu raspravu će provesti Služba za poduzetništvo, lokalni razvoj i finansije u skladu sa Odlukom o javnim raspravama u općini Gračanica („Službeni glasnik Općine Gračanica“, broj: 5/04).

Zaključak je usvojen sa 17 glasova „ZA“ i 11 „SUZDRŽANO“.

### **TAČKA 3:**

#### **NACRT-ODLUKA O IZVRŠAVANJU BUDŽETA OPĆINE GRAČANICA ZA 2013. G.**

Nije bilo učesnika u diskusiji i Nacrt-Odluka o izvršavanju Budžeta Općine Gračanica za 2013. godinu je usvojena zaključkom koji glasi:

- Usvaja se Nacrt Odluke o izvršavanju Budžeta Općine Gračanica za 2013. godinu.

Nacrt Odluke o izvršavanju Budžeta Općine Gračanica za 2013. godinu, stavlja se na javnu raspravu u trajanju do 20. decembra 2012. godine.



Javnu raspravu će provesti Služba za poduzetništvo, lokalni razvoj i finansije u skladu sa Odlukom o javnim raspravama u općini Gračanica („Službeni glasnik Općine Gračanica“, broj: 5/04).

Zaključak je usvojen sa 17 glasova „ZA“ i 11 „SUZDRŽANO“.

#### **TAČKA 4:**

#### **ODLUKA O USPOSTAVLJANJU I IMENOVANJU OPĆINSKOG RAZVOJNOG TIMA**

U vezi sa ovom tačkom dnevnog reda učesnici u diskusiji su:

Rahim Gadžić:

„Klub vijećnika SDA traži da se proširi ovaj tim i da se za članove imenuju Šerbečić Ibrahim, predstavnik humanitarnog društva „Merhamet“ Gračanica, Husić Rasim, direktor ZZ „Gračanka“ i Kurtović Minka, direktor JU Gimnazija „Dr. Mustafa Kamarić“ Gračanica.“

Fadil Mešić je predložio da se za člana imenuje i Bešić Edhem, inž. saobraćaja iz Sokola.

Općinski načelnik kao predlagač Odluke je prihvatio gore navedene prijedloge i dao kratko obrazloženje kako se došlo do prijedloga tima.

Odluka o uspostavljanju i imenovanju Općinskog razvojnog tima je usvojena jednoglasno sa 28 glasova „ZA“.

#### **TAČKA :**

#### **RJEŠENJA I ZAKLJUČCI IMOVINSKO-PRAVNE SLUŽBE**

Rješenja i zaključci Imovinsko-pravne službe su usvojena jednoglasno bez učesnika u diskusiji.

Sjednica je završena u 15.20 sati uz prisustvo 28 članova Vijeća. Odsutni su bili Fehratović Hasan i Čamdžić Mirsad.

Zapisnik vodila: Mevlida Naimkadić

Tonski snimak sjednice uredno je arhiviran.

Mevlida Naimkadić

---

**PREDSJEDAVAJUĆI  
OPĆINSKOG VIJEĆA**

Edin Ibrišević